


MUGONÈSYO

 . . .mu mmilo gwāngu ukufuma mwīngi, amabubōmbelo kalongo na mahano panja mu Arizona. Twāli na kabalilo akanunu. U Ntwa Yeso itolo atusayile uswe ukukindilila, nubwingi. ABēne bāgelile ukubōmba itolo akayabo panini aka lutēndeko lwa Ntwa, une ngusūbila iki, iyo yibagile ukuya njila indalusye ukukibika icyēne, ukubūka nkati nu kōkya-ukusyūngutila u buyo bula, tāsī. Une nābūkile nkati amasiku mīngipo pankyēni pa kabalilo, nāli ni ndumbililo kalongo pamo kalongo na ibili ku fyōsa ifipānga ifinywāmu mōsa mu Phoenix, Sunnyslope na Tempe na Mesa kangī ukusuluka ukukīnda kula, kangī nduko-lumo ukōkya-ukusyūngutila icyēne mōsa ukusyūngutila kangī polelo nālongolile icyēne ku kilo ihano isya lukomano-lukulumba. Kangī ulwēne lwāli lukomano-lukulumba ulunywāmu ukukīnda uswe tuyīlēmo nalo mu America Kululu. Ulwēne lwāli lunywāmu lula. Ifyakulēbukila ifinywāmu ukukīnda, kangī—kangī fyōpe i—i fyākulya-fyamayolo ikilo kila.

² Une ndinkutoligwa ukuyoba balinga icyēne kyāli bala bālyāmbilīle u Mbepo Mwikemo. Ukwene kwāli—ukwene kwāli kwakuswīgīsyā balinga balyāmbilīle u Mbepo Mwikemo, kangī balinga babumbulusīgwe kangī—kangī bāpokīgwe, icyēne—icyēne kyo itolo kinunu. Polelo uswe tukupalīsyā kwa Kyala bo uswe tukukēta akabalilo kakusegelela. Bīngī abanyāmbala abakulumba bālisīle mula. Yumo mwa i . . .

³ Iki kisakubōmbāga Nkundwe Neville ikilūndiko kya finunu. Une nālimbwēne u ndumbilili gwa kiPresbeteri, ukufuma ku i Kōleji ya Presbeteri ingulumba ukukīnda mu i . . .nkīsī iki, ikumoga mwa Mbepo. O, mwe, icyene kyāli naloliloli kindukimo, umwene ālyāmbilīle u Mbepo Mwikemo. Kangī polelo umwene ālimbulile une, umwene alinkuti, “Une ndinayo yimo mwa matepi gako.” Alinkuti, “Iyene yikāli nnunu fiyo mma.” Alinkuti, “Iyene itolo mu luko lumo yikunyelanyela, loli,” alinkuti, “Une nāyēgīle iyene mulamula mu koleji yangu nukuyikīna iyene.” Kangī alinkuti. . . Ukuya nnyambala unkulumba ugwa bufūndaminogono pala, umwene ākyungile abene bosa kimyemye. “Ena, abene balinkufika pa kupilika Ilyene kamokene, mulimosa,” umwene alinkuti. Kangī umwene alinkuti umwene āli . . .

⁴ Kangī alinkuti umwēne alinkufika ku kumoga mwa Mbepo ku kipanga kyāke, bo afumile umwēne pakwāmbilīla u Mbepo Mwikemo, kangī abene balinkuti, “Ntimi, mo ndili ugwe kuyaga pakumanyila ilikato ilipya?”

⁵ Umwene alinkuti, “Akabalilo kako ikilundilo kyangu

kikumanyila kimo iki.” Nālīnogwīne kila kyāli nalōli kimogi, umwe mumenye, ubufyūkilo bwa kiPresbeteri, ena, alinkuti, “Akabalilo kāko ikilūndilo kikumanyila kimo iki.” Polelo ikyo kyo kindu kinunu. Itolo bo yo mwāna unnini, itolo mpya kangi pōpe umwene afumile pakuya . . . Ena, ugwe umenye iki umwene abagisenie ukuya, ukuya pulofesa gwa bufundaminogono mu Koleji ingulumba-fiyo ya kiPresbeteri mu Boston, mulimōsa, ikyēne kyo mu United States.

⁶ Une nālīmbwēne yumo mwa bapānji bakulumba ba bandūmbula ba Mayo ikulūmbilila i Nongwainunu mwa Mbepo nukuyoba mu ndimi. O, mwe! Une numbwene u mmang’anyi uyungi, uyu yo aali gwa Seventh-day Adventist, panja pa . . . Umwēne āli u—u—u mmang’anyi pa ndūmbula nu mmilo gōpe, kangi umwene, u nnyambala unkangale, ālyāmbilīle u losyo lwa Mbepo Mwikemo. Umwēne ālyāmbilīle Ikyēne. Ikilo kimo une nabīkīle amaboko pa mwēne kula ku bulongelonongwa, kangi umwēne ālyāmbilīle u Mbepo Mwikemo. Polelo uswe tuli . . . itolo ifindu fingi fiyo ifi u Ntwa ābombile ifi uswe tukupalisya, kangi fiyofiyō tukukēta pa kabalilo aka.

⁷ Polelo une ndinkuyoba ku bene, “Ngimba umwe mukusyagania yo salanki iyi akabalilo kako umfunde ungonatulo ikwanda ukusūma a mafuta?” Akene kāli kabalilo kako u Nnyambala ālisīle, kangi a bandu, abatendekesigwe bala bābukile nkati. O, une nhobwike fiyo ukumanya ukuti uswe tuliko nu bumi apa mmasiku ga bumalikisyo aga. Muketile? Une ngwītika ukuti uswe tukwītūgāla mu tumo twa tubalilo utukulumba ukukīnda utu ikīsu kimēnyēmo siku, itolo pa lugēnge lwa Kwisa kwa Ntwa. Ngimba ikyo kikaya kinyafu? Inogona, ukuti kifuki akabalilo kalikosa lilino, i Lisimbo lyōsa ili itolo kifuki lifwanikisigwe! Kangi popāpo uswe tukugūlila Umwēne pa kabalilo kalikōsa. Kangi uswe tukufimbilisigwa ukwītūgala pāsi pa luko lwa bugūlilo, ukuti, itolo akabalilo kalikosa ikylene kibagile ukuboneka. Yaga mwiputano mōsa, mwitendekisye!

⁸ Pa bumo bwa bwāngāle umwīsyūgu, une, yumo, une nālyāgēne nu ntumigwa ukufuma ku Formosa, unkikūlu unkifu, ifyīnja malongo-mahano-na-mabili-na-fitatu mbukusi, kangi ikukīnda pa kifuki malongo-mana-na-fihano. Kangi umwene akali u—u Ndindwana, kangi abagile ukuti āfumile pakuya ndindwana unkeke ummogi. Kangi umwene alinkuti umwene akusigwe mu kaya ka Kikristi kuko “ena” āsanusyaga ena, kangi “umma” āsanusyaga umma. Kangi umwēne ākusigwe pāsi pa bumanyisigwe ubukali bula. Kangi umwene alinkuti, “Nkundwe Branham, pa bukusi ya kufwana, o,” alinkuti, “kifuki fyinja lwele mbukusi, une ndinkwinogona ukuti une naapele u bumi bwangu kwa Ntwa Yeso.” Umwene alinkuti, “Kifuki ifyinja kalongo na fibili mbukusi, une nasōngigwe nu ndumbilili gwa kipanga-kipāgūke yumo, ukuti une ngufimbilisigwa ukwēga

ulusayo lwakibili,” kangi alinkuti, “kangi nāli nubunyali nāsyōbigwe mu kyēne.” Lōli umwēne alinkuti, “Kifuki fyīnja kalongo na fihano na fibili mbukusi, une naloliloli nālyāmbilīle Mbepo Mwikemo.” Kangi umwene agomokile apa lilino ikugela ukusumusya bamo mwa fipanga ifigonatulo ifya Baptisti ifi. Umwene alinkuti linga—linga kyalipo kilikosa aka umwene ākibwene “kifwile,” umwene yo Baptisti mwene, umwēne alinkuti, “fyo ifi ififwāno ifipānga fya Baptisti ukugomokela kuno.” Umwēne āfikōlile ifyēne “mōchale.”

⁹ Une ndinkuti, “Ena, une ngusakikisya akabalilo kāko ugwe uli pankyēni pa bwīte . . .” Une ngwinogona lilino umwene yo . . . Inogona itolo, une, ndi malongo-mahano-na-fibili, umwene aali panja ukuya ntumigwa bo ngāli une ukupāpigwa. Kangi polelo une ngwīnogōna une nafikaga ukuya nkāngāle fiyo ukubūka nkibānja. Kangi une ngwinogona, “Mwe, nswaga une, Ntwa.”

¹⁰ Kangi umwēne, nnuu, itolo ukuya mmulike kangi gwamahala bo mūmo umwēne ābagīle ukuya. Kangi polelo ikumbula une ifyakumbonekela mula mu nsebwe, kangi mūmo fikuti i Nongwainunu yafūmbwigwāga mu Formosa kangi—kangi China, kangi Japan, na fyōsa bo ifyo. Polelo abene balinkuntuma umwene ukugomokela ukufuma mu ngunda, alinkuti, “Ugwe ukabagīla ukwingila mu ngunda ukufuma pāpo ugwe ukīndile malongo-mahano-na-mabili, ugwe umenye.” Polelo abene balinkuntuma umwene ukugomokela. Lōli umwēne atisakuyaga kinūnu, umwēne ikubūka bo syōsa ingomano-ngulumba sya Baptisti isi. Kangi umwene alinkuti, “Billy Graham,” alinkuti, “mūmo umwēne aapīmbilaga indumi ya Baptisti, umwēne āli kyakumeleligwa ku kipānga kya Baptisti.” Alinkuti, “Umwene atikubegela abene kubutali ukufwana ukuti bēge Mbepo Mwikemo,” umwene alinkuyoba. O, kalumbu, ugwe itugala itolo na ikyo. Ikyo kyo kyōsa kotalusya. Umwēne alinkuyoba, bala a baChina kunyuma kula, alinkuti umwēne akābagīle ukubaleka abēne babūkēge mula nukuyoba, “Uswe tukwitika Yeso Kristi.” Alinkuti, “Ikyo kyāli kinunu mōsa,” lōli alinkuti umwēne ābapelāga abēne basyāle pala mpaka ikindukimo kyābonīke, kangi polelo abēne bisaga ukuya Bakristi bānalōli.

¹¹ Une ndinkuti, “Iyo yo njila ikyene kikubūkila, kalumbu. Itolo babūla abēne, unko abēne basyāle mpaka ikindukimo kikuboneka.”

¹² Bule linga abatumigwa angali bayobile, lilino, ukufuma pa masiku lwele na limo, “Uswe tukwitika ukuti uswe tulinakyo Ikyene, muketile, unko uswe itolo twitikisye Ikyēne ukwisila mu lwītiko nukukīndilīla ni mbombo yītu”? Muketile, ikyēne āngāli kikabōmbāmo siku. Abene bāgūlīle kula mpaka abene bāmenye ukuti i kindukimo kyābonīke. Kangi ulo lo lutamio lwa uswe luli umwisyugu, uswe tutikusyala nu

butali fiyo. Ena, iyo yo nongwa ukufuma apo uswe tubagile itolo ukwitugala uluko lulilōsa lwa būmi, ukubōmba kalikōsa, komma ukututamia uswe, panongwa yakuti uswe tutikusyala pala akatali kakufwāna'mma. Umwisyugu uswe tuli muno, kilabo uswe tusōkile, kang'i injila *iyi* kang'i injila *yila*. Linga uswe tukusyāla nubutali bwākufwāna mpaka ugwe kwīngila nkati kang'i kwīgāla ikifigo kunyuma kwa ugwe, ugwe kuyaga pakusyāla pala polelo. Umwe mufūngigwe mpaka ilisiku lwa kutabuligwa kwīnu. Une nsangalwike fiyo ifya ikyo.

¹³ Kang'i uswe twāli na kabalilo akakulumba, mūmo une njōbīle, ku Phoenix kang'i ukukīnda nkikoga na bīngi ba Bakristi kula, bīngi ba abene bikwibanilila nu bumi ubupala.

¹⁴ Une nābūkīle kula ku Kyāmba Kwītōngo, nkasi kunyuma kula, na une. Ilisiku limo akabalilo kāko, abīnāngu, unnuguna gwāngu, Doc, ākyūngile abalīndwāna babili, kang'i—kang'i Nkundwe na Kalumbu Wood ākyūngile u ndumiana, kang'i une nu nkasi gwāngu twāli nu mwēsi-gwa-bwēhe gwakibili. Kang'i umwēne alinkuti, “Bill, ugwe umenye, ugu gwāli mwēsi-gwa-bwēhe ukukīnda ugwākwānda gula.” Umwēne alinkuti, “Akabalilo kakwānda uswe twābūkīle ku mwēsi-gwa-bwēhe, ikindu kyene iki une nābombīle kwāli ukwitugasya ku bugonelo nukugūlila ukuti ugwe gwīse ukufuma ku bufwimi,” umwene alinkuti.

¹⁵ Une nāli mu luko lumo bukomu ubunini, umwe mumenye. Une ndinkwinogona, “Ena, lilino, une ngaya nayo i hela nyingi fiyo.” Nāpayile mōsa mu kakopo ka bufu bwakwēngela, isyakufwāna ukubūka pa bwēndelo bwa bufwīmi, kang'i pōpe une nāyaga pakuya mmwēgi akabalilo kākugwīsyā-māni kala. Polelo une ndinkwinogona, “Kipelaga itolo ikyene kyosa palikimo,” umwe mumenye. Kang'i—kang'i akabalilo kōsa une nāyāga pa bwēndelo bwa kufwīma, ubwēne bwāyaga mwēsi-gwa-bwēhe, umwe mumenye, kang'i popāpo uswe twālyōngenie. Loli akabalilo aka uswe twahombile pa kene kang'i naloliloli twasookile pānja, kang'i, fiki, twāli na kabalilo akakulumba.

¹⁶ Kang'i bīngi ba bēne bālisile ukufuma ku kipānga apa. Une ngusūbila Nkundwe Sothmann, inyumba yāke yili kunyuma kula, kang'i Nkundwe Tom Simpson na bala, kang'i Nkundwe Maguire, kang'i uswe twesa twāli na kabalilo akakulumba mwa Ntwa.

¹⁷ Kang'i popāpo uswe tulinkubūka kula Kyāmba Kwītōngo, iki kyo itolo kwītōngo kwa Phoenix, kang'i ukusumuka mmwanya ukufuma ku bwīkolānie bula. Uu! U bwīkolānie nkāya akamwīsyūgu! Fyōbēne akabalilo kāko abāndu bikwānda ukubāla pa kīsu, ubutulwanongwa, kang'i ubugāsi bukwīsamō nkati. Kang'i une ndinkuketa mmwanya pala, kang'i nitugesye kubutali fiyo ukuti uswe twabagile ukuketaga ulukubo lwa Phoenix, une ndinkuyoba ku nkasi, “Nguswiga utubalilo twingi

bule, ukufuma papo uswe twitugesye muno mmaminiti kalongo na mahano aga, ukuti i Ngamu ya Ntwa yikwegigwa paitolo nkaya kala?” Hmm?

¹⁸ Kifuki, mulimōsa, mu buyo bwa kāya-akakulumba, ukwēga nkati Tempe kangī—kangī Sunnyslope, nu kukukīnda kula, une ngusakikisya baliko kulakula ku bāndu maelifu-elifu mu kikoga kila. Une ndinkuyoba, “Ifyīnja bamia batatu ifi fikīndile kukāliko nakimo lōli ifiyīnjamīfwa na bakāmbwe nkati muno. Kangi ikyene lumo, mbuketelo bwa Ntwa, ikyene āngali kikuyaga kinunu linga ikyene kyāli kyakugomokela bo lula.” Uko ko kutasulya. Palema nalinga akāya akakulumba—akakulumba aka abēne bayēngile kula, kangī utwāya utumogi na fyōsa bo ifyo, fyo fimogi. Loli ikyene āngali kikuyaga kinunu, ikyene āngali kikuyaga kinunu mosa linga u nnyambala na bakikulu bendaga ukufyuka nu kugomoka mu ngindi na maboko gābo mmwanya mu mbepo, bikuntūfyā Kyala nukumpālisya Umwēne. Lōli, mbuyo bwa kila, ikyēne kyo kuguna, ukwendendeka nkyēni, ukunwa. Itolo ukuleka ubwīgufu ukwīsa nkati, kangī ububībi buli kula.

¹⁹ Une ndinkuti, “Bo bulogwe bulīnga bwāsulwīgwe amayolo ga mmayolo, ikilo kya mmayolo nkāya aka! Bālinga bāli bānwe! Ngimba utwāya tulinga... Fyo filinga—filinga ifindu ififuluganikane fyābōmbigwe mu sala yabumalikisyo, nkāya akakulumba aka!”

²⁰ Kangi unkasi alinkuyoba kwa une, umwene alinkuyoba polelo ikindukimo bo iki, bo une ngwinogona, “Ngimba yikuyaga mbombonki iya kwīsa kuno polelo? Nongwa yafiki ugwe kulekaga akāya ukwīsa pānja kuno?”

²¹ Polelo une ndinkuti, “Apo po kilipo iki ikyene kili. Ukufuma pa fyōsa ifyo, iki naloliloli kyo kili mbwīngi, lōli balimo abānini abanāndi ukusuluka mula. Mīputo malinga amasūbiligwa gābūkile mmwanya mu mayolo aga gakīndile ukusuluka kula, itolo ukwīsa pamwanya ku bubōmbèlo?”

²² Kangi Umwēne āli nnunu fīyo kwa uswe mpaka ifipānga āngali fikwīsula mōsa bo likāli ilisuba ukwīngila, mpaka ugwe gwabagile ukufika ndubīngilo ukusyūngutila ubuyo. Kangi ifipānganio fila na fyosa bo ifyo, kangī u Ntwa alinkonelela panja u Mbepo Gwake nukubasaya abene. Kangi une nasiku nalekileko imibuli giligyōsa, ngūmilisya ukung’apa kulakula ku Nongwainunu. Kangi utubalilo tumo, ena, ikyene kyo magengelemia fīyo, loli ikyene yo njila yene iyi une nkimenye ikyene. Ikyene kyo magengelemia nkati muno. Polelo ikyene kikuyaga kyāmagēngelemiāpo ku Bulongī kūko uswe tukufimbilisigwa ukwima ku kyene. Popāpo, mosa, ikyene kyāli kindu kyalwimiko. Kangi uswe tukulōnda ukupālisya ikipānga apa panongwa ya kwīpūta nukukolelèla nkyēne kwa uswe, nu—nu kutukyūnga uswe kifuki ni kipīngika.

²³ Kangi lilino ukwisa ukugomokela ku kāya polelo, nkati muno, kangi une āngāli mfikile ukusuluka ulubunju ulu lumu ukwiputula bamo mwa babine. Une ndinasyo fīngi fya nyāngalo isi sikugūlila, inōngwa isi bamo mwa bēne une nālyāndilēko ku masiku mabili aga gākīndāga ukufuma pāpo une ndi apa, mfumile pakugūlila u mwēsi ukufuma pāpo nasōkilēpo. Popāpo abēne bikugela ukufikamo ku abēne itolo nu bwēngo bo mūmo abēne babagilile, ukubāga abēne ukufuma mabuyo amakīndānekīndāne kūko abēne bikwītūgāla.

²⁴ U Ntwa itikisyeye, mu milungu mibili imingipo, une ngubūkaga ku Tucson, ikyo kyo pāsi ikiyabo kya pāsipo. Kangi lilino aba nyambalabakyulusi akabalilo aka, polelo ugwe ubagile ukwiputula iki. . . Une ngakiganamo siku ikindu kilikyosa mpaka ukwanda une ngwitika ikyene kyo bwigane bwa Ntwa. Lilino, ulukomāno-ulukulumba ulukōnge lukwīsapo mu Modesto kangi polelo ukufuma kula ukubūka ku kiyabo kya Washington, Washington, kangi ku Zurich, polelo Palestina, kangi polelo mu South Africa. Kangi ikyo ikyo kikubōmbigwa pakati pa lilino na Juni. Kangi une nābilikigwe ukuya njobi ku ngomāno-ingulumba syōsa isi. Kangi ikyēne kibagile ukumba une ulusako ukwīngīla mu South Africa kangi. Ukukōlēla kwābo, umwēsi guligōsa uswe tukuya nububilikilo. Lōli linga yumo. . .

²⁵ Kulipo ukupāgukāna ukunywāmu mfipānga, ifipānga fyaPentekisti. Kangi linga ugwe kubūka ku lubafu lumu, ulūngi lutisakuyanakyō nakimo ikyākubōmba ni kyēne. Kangi abene batisakupilikikisania palikimo mma, polelo une nīmīle itolo lilino ku fyinja ukufwana fihano nu bukōlelo mu ndumbala yangu ukubuka. Kangi lilino, lumu linga abanyāmbalabakyulusi bisakunyēgelamo une nkati, itolo ikyākufwāna ukuya mwālīgwe, ikyo kyo ukufuma ku mbafu syosa ibili, umwe muketile, kangi polelo ikyo kikapela abene bosa ukwisa ku butali. Abēne bōsa bikufimbilisigwa nu kubōmbelana mu kila panongwa yakuti ifūmbwo fya hela syābo—ifūmbwo sya fipānga fyābo fili pala, polelo abene bikufimbilisigwa ukwisa ukupoka ikisyo kyabo, umwe muketile. Polelo lumu ikyene kibagile ukuya bwīgāne bwa Ntwa, lōli, une ngamanya. Ikyene kikupilikigwa kinunu, loli une ngamanya.

²⁶ Kangi polelo, mu kyīnja iki, Nkundwe Borders āmbēle une ulubatiko lwa bwēndo, pamo, imbilikilo. Kangi, nubwānalōli, ilyēne lyāli buku kabili-kōsa ubupapati *ubo* ifi fisilemo ukufuma Krismasi iyi yikīndile, ifya mbilikilo ukusyūngutūla. Ikyēne kyo fīngi fiyo kuli ilīnogonelo lya būndu ukugela ukulīngānia ikyēne mōsa, popāpo une ndinkusita kwēga kumo mwa syēne. Une ne itolo ngwegaga ulukomano lumu, nukugūlila nukukēta kūko u Ntwa ikumbula une ukubukako ukufuma kula, polelo une ngubukaga kuko, kangi polelo nukukonga, kangi kulikosa kuko Umwene ikumbula une ukubuka. Polelo, umwe nyiputula une.

27 Une ngukumbukila nkyinja, ukusuluka nu Nkundwe... pamo Kalumbu Cox pāsi pala, akabalilo kako Nkundwe Arganbright alingolile une ukubuka pa bwēndo ubu ku Anchorage. Bule līnga une nābagile ukuti nābūkile pa kila itolo ukwīsila mukusakikisya ukuti ikyēne kyāli kyōsa kanunu?

28 Lilino, une ninogonaga ukuti, *kusakisya*, une nālumbilīle pa kimanyisyo kya ikyo. Une nātīle akabalilo kāko une nābūkile pānja pala, nābabūlile abalumiana ba tepi, “Komma ukwēga nagamo amatepi. Komma ukubūka pānja panongwa ya matepi mma, une nisakulūmbilīla pa fimanyisyo filafila une nābōmbīle apa.” Une ngwinogona une nālumbilīle bumo ubu une nābōmbīle apa, fyōsa fya ifyēne fyāli fyōsa fipya. Kangi Nkundwe Maguire alinkwēga ifyēne, fyōsa fya ifyēne.

29 Kusakisya. Popāpo linga une nābagile ukuti nābūkile, *ngusakisya* pamwanya pala, ikyēne āngāli kikuya nalōli kyakukīndāna ukukīnda iki ikyēne kyāsanwike ukuya, imboniboni āngāli fikafwānikisigwa. Lōli imboniboni yāfwānikisigwe, kangi umwe mwēsa mumēnye isya ikyo, mūmo u Ntwa nalōli āsayīle.

30 Lilino, kilipo ikindu ikingi iki kili pa ndumbula yangu akabalilo katali. Kipanga, iputa panongwa ya kyene. Mwesa umwe bāndu apa mumenye ikyo ukufuma pāpo une nāli ndumiana nnini une ngayamo siku gwākūkutisigwa nkīsu iki. Indumbula yangu yosa yilōndīle akabalilo kosa kuli u Bwingilīlisuba. Kangi une ngukūmbukila akabalilo kāko une nāsēngāga ilīsu kuli umāma-unko gwāngu pamwanya pala mu kabuyo akanini aka kāli i...kāli ka kipanga apa, ubuyo bula. Une nālītugesye pa mafyukilo, kangi u Mbepo Mwikemo āyobile kwa une, Umwene alinkuti, “Une ngabagila ukukindilila ukusaya ugwe mpaka ugwe nubwisusye kumbilikila Une, bo yu Abraham.” Muketile? Kangi, Abraham, Kyala ālimbulile umwene ukwipagula mwene nukubuka kwa yumwene. Kangi, akabalilo kako umwene abombege, umwene alinkwēga palikimo nu mwene ugwise, umwipwa gwake. Kangi mpaka Abraham lōsa ālimpilikile Kyala, polelo pālipo ubufwānikisye ubumālisigwe bwa iki Kyala ālimfingile umwēne. Kangi ubupinye, kimo mwa mabupinye ubu bwālimbinyile une kuno, āli māma gwāngu. Umwe mumenye ikyo. Kangi lilino māma abukile ukuya nu Ntwa Yeso. Kangi une—une ngamanya yo njilanki iyakusanukilako, kyo kiliku ikyakubōmba, popāpo umwe nyīpūtīlaga une.

31 Lilino, Nkundwe Neville, une ndinkusōka panja pa kigemo, une ndinkwinogona, “Ena, une ngusōka panja pala.” Yumo ālyāgēne na une kangi alinkuti, “Mwe, abene bali nu bubombelo ubukulumba fiyo ikilo iki.” Alinkuti, “Abēne bikuyaga nu bubōmbēlo bwa bulūmbilili, ububōmbelo bwa nyīmbo, ububōmbelo bwa nyīpūto, kangi polelo ukwēga ifyakusāngula,

kangi polelo alinkuti abēne bali nako—nako ukusukana-injayo, u nngonelo, nu bubōmbelo bwa lōsyo.”

³² Une ndinkwinogona, “Nkundwe umpelakisa! Mwe! Mwe, fyosa ifyo, une mmenye iki kila kila, lumu ukufuma pa bulumbilili nubukafu kulubunju ulu.” Lilino, une ndinkwinogona, “Une nguselemukila mmwanya pala, lumu umwene isakundondaga une ukupa umugonesyo.”

³³ Kangi umwene alinkuti, “Ngimba ugwe ubagile ukuyoba kuli uswe ikilo iki linga ugwe kwipilika kulongosigwa?” Polelo une mmenye iki kila kikusanusya. Popāpo polelo une ndinkugomokela nukwakwega i Lisimbo apa nukuya ni fisimbe panini, kangi lumu u Ntwa isakundulaga une ukutwāla itolo i Ndumi imbimba iya sala sina, kangi polelo uswe twisakuyaga nako ukwītu—ukwītu ukusuka-injayo, kangi polelo u nngonelo. Kangi polelo, kangi, o, une, lumu une ngwisakufikaga mmalisisye akabalilo kala. Umma, une itolo nasūngāga kwa umwe. Kifuki maminiti malongo mabili, malongo matatu, kangi polelo uswe tukuyaga nu losyo, malundi-. . . Ngimba fiki fikukonga iki, ukulilapalikimo? Mugonesyo gukukonga iki, polelo ulosyo.

³⁴ Lilino, uswe twe basāngalufu ukuti uswe tukuyaga pakōsigwa. Lilino, linga Kyala ikwitikisya kangi ikyo kikunhobosya Umwene, kangi ikylene kyo kyosa kinunu nu ntimi na bandu, Ndungu ugu gukwīsa une nisakuyaga ngusulukaga ukwīputīla ababine, nukuyoba, linga u Ntwa ikwītikīsa, pa Ndungu ugu gukwīsa, nongwa yakuti une lumu pa Ndungu ugu gukukōnga une nisakuya nsōkilēpo kangi akabalilo kala. Kangi lilino akabalilo kako une ndi muno, une ngulonda ukwisamo kangi—kangi ukuyoba apa, panongwa yakuti uswe mu luko lumu twibungenie palikimo bo bakundwe, kangi Nkundwe Neville na une apa, kangi uswe—uswe tugānēne yumo nu nnine, kangi uswe—uswe—uswe tukulōnda ukwitugasya kifuki nukutūlana yumo nu nnine bo. . .

³⁵ Iki kikipilikigwa kyamahelu, loli une ngusubila ikylene kitikipilikigwa injila yila kwa umwe, Tata. Cory alinkuyoba akabalilo kamo, umwēne. . . Une nāli mu lusasanio lwa nyāle, ngulisya amagulobo kuli kamapani yila. Kangi umwēne ālyūlile amīngi ikilūndiko kya magulobu aga gābagile ukunkyūnga umwēne ku fyīnja fina pamo fihano, une ndinkusyūmbutūka ukusyūmbutuka nukummūlila i Ford kuli umwēne. Umwēne alinkuti, “Billy, une ngusūbila uswe twe itolo tukutunusania inyūma ya yumo nu nnine.” Polelo ikyo kyo, ena, itolo mu luko lumu ukutula nkabalilo ka kufūmbwa. Polelo ikyo kyo—uko ko kotalusya. Uswe tumenye akīsilo ku buponesyo bwa yumo nu nnine nukutūlana yumo nu nnine.

³⁶ Lilino, unko uswe tubūke ku kiyabo ikwabwanaloli ikya ikyēne lilino, kangi linga une ngasoba, une ngusubila

une ngumbona Nkundwe Beeler kunyuma kula ku nyuma, undumbilili unkundwe uyungi. Kangi umwīsyūgu akabalilo kāko une nākīndāga, Nkundwe Junie Jackson ālīmīle pānja apa mu lubīngilo nu Nkundwe Creech. Ngimba abene bali nu lukomano apa utubalilo tumo? Ulubōmbelo lwa lōsyo, une nguketa. Umma ndaga, uswe tubagile ukupa amīsi linga abēne bisakummwāgaga umūndu. Uswe—uswe tulinago amīsi, umma ndaga.

³⁷ Polelo lilino, ukuya ukuti uswe tukuyaga nu mugonesyo, Une ndinkwinogona ukwene kukuyaga kununu linga une njobilepo pa mugonesyo itolo ku maminiti manandi.

³⁸ Lilino, bo tukāli uswe ukusegelela ku Lisyu, unko uswe tulāmbalike palubafu kilikyōsa lilino, na njila syōsa isya bwānike nu bukeke bwīnu, kangi—kangi ukwisa mu Kuyapo kwa Kyala nu lwiputo. Unko uswe twipute. Lilino ni mitu gyitu ginamisigwe, kangi une ngusubila indumbula syitu yope, linga kulipo ukusūma nkati muno kūko kwābāgile...ugwe kulōnda ukuya kumanyigwe kwa Kyala, kangi kulōnda kuli une ukukūmbukila ugwe pankyēni pa Kyala, ubagile ugwe itolo ukwitikisya ikyēne kiyege kimanyigwe ukwisila mu kufyūsya ikiboko kyāko kwa Kyala. Kyala paga kilikyosa kangi ubusūme bwa aligwesa.

³⁹ Kyala Mwenemaka, u Tata gwa Ntwa Yeso Kristi, Yūyo ālimfyūsise Umwēne ukufuma ku bafwe nukumbika Umwēne ku kiboko ikililo ikya Butwa, bwila-siku ukuya nu bumi ukutēndēka ubwīmilili pakati pa findu ifi uswe tukusūbila ukuti Umwēne ābōmbile kuli uswe, nukulāta ikyēne ukuya lūlo. Uswe tukusuma, Ntwa Kyala, ukuti ikilo iki, ukuti Ugwe kutuswaga imbībi syītu. O, uswe tukulōnda ukūmilisya pāsi pa Lilopa pa tubalilo tosa, kabuno uswe tukamanya itolo iki kibagile ukuboneka. Fyosa ifindu fili kifuki fikumalikila, uswe tukwipilika, Ntwa, ukuti ukwisa kwa Ntwa kuli kifuki. Kangi uswe tukwitendekesyela ku kwēga i njila. Kangi bo uswe tukwīnogōna isya bwēndo, uswe tubagile ukwīnogōna isya ifikwāma, kangi—kangi imyēnda igwākōngelelāpo kangi ifilato ifyākōngelelāpo. Lōli bo bulebule kikīndēne ukufuma ku bwēndo ubu! Ubwēne bukaya ku lūndika; ubwēne bo kutūla-pāsi, nukulāmbalika palubafu. Ukuya mbombi Gwako unkulumba, Pauli, āyobile mwa Buku gwa Bahiburi, pantu gwa 12, “Uswe tukulāmbalika palubafu ubusito bulibōsa nu busitakwītika ifi fyō nubupepe fikututabania uswe, ukuti uswe tubagile ukubopa nu bufindang’oma u lubope ulu lubīkīgwe pankyēni pa uswe.”

⁴⁰ Kangi uswe tukabagila ukusolola lilino isya findu ifinunu ku kisu iki ikyamwisyugu. Ikindu kyene iki uswe tubagile ukusolola ukwisila mwa Mbepo bo butolwe, indamio, abakasenyenda, amayiga ga mōgēsyo amakulumba, ilisuba

nu mwēsi fikutoligwa, i kipanga mu ngulilo ya Laodikiya, Kristi panja pa kifigo, ikukung'usya ukuti ingile. O Kyala! Itolo bo yu Mikaya gwaiyolo, ngimba umwene ābagile bulebule ukusaya Ahabu akabalilo kāko ubusololi bwāli bukulwana nu mwene? Akabalilo kāko unsololi unkulumba ugwamaka yula, Eliya, alinkusegelela ku mwene, kangī panongwa yakuti umwēne ālyēgile u būmi bwa nnyāmbāla unsitabusobi yula, Naboti, popāpo umwēne alinkuti, “Imbwa sisakumyānda i lilopa lyāko.” Polelo ābagile bulebule Mikaya ukusolola ifindu ifinunu?

⁴¹ Babagile bulebule abāna abīsusigwa-na-Mbepo aba mwīsyūgu ukusolola ifinunu ku bandu abōnāngi, abāndu abasitakupasya aba bālinkagile u Ntwa panja? O Kyala, uswe itolo tukukēta ububābe bwa bulōngi pankyēni. Kangi ukukūta ku bala bābo bakaya batalusye, “Bopela ku Ntwa, kabuno Umwēne yo Lyālabwe nkīsu ikyābukatale! Umwēne yo Kiponesya nkabalilo ka mbelo. Kangi i Ngamu ya Ntwa kyo Kisōnge Kyamwaka, kangi abagolofu bikubopela mu Kyēne kangi bikupona.” Ngimba uswe tubagile ukwinogona bulebule isya utwaya utunywamu tula tuyengigwe, utwa mbuponelo, kangi akabalilo kāko umbopesi. . . ukufuma pāpo unnyāmbāla yula kangi umwēne āfikile mu—mu busōnge, umwēne āponile, nakimo kyābagile ukumpalamasya umwēne. O Kyala, unko uswe tubope kangi tuyege-bēngo kwa Ntwa, kabuno Umwēne yo Buponelo bwītu na Maka gītu, kangi u butuli bulabula ubuyepo nkabalilo ka lutamio. Popāpo, ukwīsila mukukēta ukwīsila mu kisige kya ngwāsi, bo mūmo ikyēne kyāli, ukupela ulutamio mōsa, amabīngu gikubuna, injasi ni kimwekumweku kya bulōngi kikipāpa pa kīsu, uswe tumenye ukuti umbelo guli ku kiboko.

⁴² Ikilo iki, Ntwa, uswe tukubīputīla aba apa aba bafyūsīsyē amaboko gābo. Une ngamanya iki abene bālonidaga, Tāta, Ugwe kubomba. Une ngusuma ukuti Ugwe kutupaga kilikyosa ku myoyo gyabo imipala, ukuti ulusanusyo kunyuma kwa kiboko kila kyāfyūsīgwe kuli fiki. Tupaga ikyene, Ntwa. Bumbulusyaga ababine. Sūbisyaga abakatale. Pāga ubusāngalufu ku bakonyōke. Paga u lutēngāno ku bakatale, ikyākūlya ku bānjāla, ikyākūnwa ku būmilwe, ubuhobofu ku basulumanie, amaka ku kipānga. Ntwa, ntwa Yeso pakati pitu ikilo iki, bo uswe tukwītēndekesya ukulya ungonelo ukwimila umbili Gwāke umbongotolīgwe. Uswe tukusuma, Ntwa, ukuti Umwēne isakutuyātīla uswe mu njila iyapamwanya.

⁴³ Sayaga ikilundilo ikinini iki, untimi gwake unganigwa, u Nkundwe Neville ni kikolo kyake, kangī abadiakoni, abakyūngafyūma, kangī umūndu aligwēsa uyu ali apa. Sayaga abangi, Ntwa, mosa ukusyūngutīla nkisu, aba bikugūlīla nu buhofu bwa kwisa kwa Ntwa, inyāle sitēndekesigwe, na pabusōkēla-lyōsi pōsa papupūtīgwe, kangī u Lumuli Iwa Nongwainunu lukumulika mmabuyo agāngisi.

44 Lilino, ndula une, Ntwa, na Masyu manini aga. Sayaga Ilyene bo uswe tukubala Ilyene, kang'i tupaga uswe ulwalo lwa nongwa, kabuno uswe tukusuma ikyene mu Ngamu ya Yeso. Amenii.

45 Lilino uswe tubagile ukusanukila mwa Buku, ku ntu gwa 6 ugwa Mwikemo Yohani, kang'i ikyene kikuyaga kinunu linga aligwesa gwa uswe twābalile untu gosa ugu akabalilo kako uswe twabukaga ku kaya. Une ngulōnda ukubala, ukwanda pa linandi lya 47, pāsi ku lya 59, ukōngānia, itolo ku njila ya kuyenga untu pa kimanyisyo kya: *Mugonēsyo*.

Yeso ikuyoba lilino, ku lusekelo. Akene kāli kabalilo akakulumba, isekelo isi syāli. Abēne bānwaga amīsi ukufuma ku lyālābwe, ukwīmīlīla i Lyālābwe ili lyāli ndulangalanga. Kang'i abēne bālyāga, ku manna aga gāgwīle a bamia ba fyīnja fīngi ifi fikīndīlēpo, mu lukūmbusyo. Ulwene lwāli itolo lusekelo lwa pāsa, mumo uswe tulinalo ikilo iki.

Naloliloli, naloliloli, une nguyoba kwa umwe, Umwene uyu ikwitika pa une ali nu bumi bwa bwilabwila.

Une ne nkati gwa būmi gula.

A batāta bīnu bālīle a manna mu lulangalanga, kang'i bafwīle.

Ugu go nkati ugu gukusuluka ukufuma ku mwanya, ukuti u nnyambala abagile ukulya ukufuma kugwene, nukusita kufwa.

Une ne nkati ugwābūmi ugu gwālisīle pāsi ukufuma ku mwanya: linga u mūndu aligwesa ikulya ukufuma ku nkati ugu, umwene isakwītūgalāga kwa bwilanabwila: kang'i u nkati ugu une nisakupa go nyōfu gwāngu, ugu une nisakupa kuli u būmi bwa kīsu.

AbaYuda polelo balinkulwāna pakati pa bēne, bikuyoba, Abagile bulebule u nnyāmbala uyu ukupa unyōfu gwāke ukuti tulye?

Polelo Yeso alinkuyoba ku bene, Naloliloli, naloli, une nguyoba kwa umwe, Pene papo umwe nukulya u mbili gwa Mwanundumiana gwa mundu, mukunwa ililopa lyake, ugwe ukaya nabo u bumi mwa ugwe.

Uyu naloli ikulya u mbili gwangu, kang'i ikunwa ililopa lyangu, ali nu bumi bwa syepwa; kang'i une nisakusyusya umwene pi siku lyabumalikisyo.

Namanga unyōfu gwāngu kyo kyākulya nalōli, kang'i ililopa lyāngu lyo kyākunwa nalōli.

Umwēne uyu ikulya u unyōfu gwāngu, kang'i ikunwa ililopa lyāngu, ikwītūgala mwa une, kang'i Une mwa umwēne.

Mũmo u Tāta gwābũmi āndumile une, kangi Une ndi mũmi ukwĩsila mwa Tāta: momũmo umwēne uyu ikulya une, yope umwēne ikuya mũmi ukwĩsila mwa une.

Ugu go nkati gula ugu gucusuluka pāsi ukufuma kumwanya: komma mũmo abĩsēmwe balyēlile a manna, kangi bafwile: lōli umwēne uyu ikulya . . . u nkati ugu isakuya mũmi kwa bwila.

Ifindu ifi aayobile umwene mmasunagogi, mumo umwene amanyisiisye mu Kaperenaumu.

⁴⁶ Untwa alisayaga Ilisyu Lyake. Une ngulonda, itolo ku maminiti manandi, ukuyoba pa: *Mugonēsyo*. Ngimba i lisyu lya *mugonesyo* likusanusya fiki? *Ukulunganisania* kokuti “uku yoba.” Ukuya nako, uku . . . *Mugonesyo* naloliloli kukusanusya “ukuya nu bulilansi, yoba nu nnine.” Linga ugwe kuyoba pa foni ku munduyumo, ugwe kupimba ubuyobesania pala, ugwe kuyobesania yumo nu nnine. Kangi linga uswe tubagile ukwisa palubafu nu kwima kunyuma ku nyuma ya nyumba, aligwesa pamwene nu ntimi, pamo abandu babili balibosa, abene bikulilanila yumo nu nnine.

⁴⁷ Lilino, ugwe utikuyobesania ukwisila mu rediyo, panongwa yakuti ugwe ukabagila ukwāmula, pamo televizioni. Loli akabalilo kako . . . Ugwe ubagile ukwisila mu telefoni, panongwa yakuti ugwe kuyobesania yumo ku nnine, itolo lukaya lubafu lumolwene. Ulwēne luli . . . Une ngabagile ukuyobesania nna umwe lilino, panongwa yakuti umwe mutikuyoba ukugomokesya mma. Popāpo, polelo, ikyēne āngali kitikuya ukwisa ukupilika undumbilili ukutwāla i ndumi yāke. Ikyo kitikuyaga mma, ukwisa palikimo, ukuyobesania. Ukuyobesania āngali kutikuya ikyo . . . Linga ugwe kwisa itolo ukulunganisania nu ndumbilili, ugwe āngali kunkōléla umwēne ku lubafu lumo, pamo aligwesa pamwene, kangi kulunganikana nu mwēne pamo umwēne.

⁴⁸ Lōli ku iki uswe tukwĩsamo, u mugonēsyo, ko kuli aligwēsa gwa uswe ukuya pamwenepamwene ukulunganisania na Kristi. Uko ko kulunganikana. Polelo, ukulunganisania kukaya palikimo *yumoywēne* ikubōmba ukuyoba mma, uswe tukubōmba twēsa u kuyoba, loli tukugulila nukukéta iki Umwene ikuyoba ukugomokesya kwa uswe.

⁴⁹ Lilino, apo po pāpo, utubalilo twīngi, ukuti uswe tukutēndéka ubusobi bwītu ubukulumba, ko, uswe tukubōmba bōsa ubuyobi kangi tutikugūlila nukumpa Umwēne u lusako ukwāmula ukugomokesya. Uswe tukubūka utubalilo tumo, tukuyoba, “Ntwa, une āngali nguti Ugwe ubagile ukubōmba *kyakuti-na-kyakuti* kangi *kyakuti-na-kyakuti*, ameni,” nukusōkāpo nukusōkāpo. Lilino, ikyo naloliloli kikaya kuyobesania. Ikyo kyo kikubuka nukusuma ubutuli. Loli akabalilo kako ugwe kusyala kubutali fiyo mpaka

Umwēne ikwamula ukugomokesya, apo po pāpo ugwe kwisa kuya nu mugonesyo, ukuyobesania nu Ntwa. Lilino, kangi injila ingulumba iyakuyobesania, ko kwitikisania, umwe mukufimbilisigwa ukwitikisania pa findu fimo. Lilino, kangi ikyene kyo kihesya ukuti utubalilo tumo akabalilo kako uswe tukukaba ifindu ifyo. . .

⁵⁰ Ukulya ko kufwēnemo ni kyēne. Lilino, ugwe ega abāndu ba bukyulusi, akabalilo kāko abēne bikulōnda ukutēndēka ukwitikisania kwa bukyulusi, abēne bisakunkōlēla umundu yumo pānja ukulya ifyakulya. Kangi ukufuma pāpo abēne bitūgēsye pāsi nukulya, kangi polelo ukuyoba na yumoywene nu nnine. U nnyāmbala unnunu unkyulusi, kingikingi umwēne akabagila ukuyoba ku mūndu bo mūnda muli itolo. Ikyēne kinunu ukukīnda ukugūlila mpaka umwēne ikwīpilika kanunu, kangi polelo ukufuma pāpo umwēne alile ifyakulēmbusya. Komma ukufika kula nukummwēga umwēne ukufuma ku kitala nukumbula umwēne isya kindukimo ugwe kufimbilisigwa ukummūlisya umwēne, lōli gūlila mpaka umwēne alile ifyakulēmbusya fyāke kangi—kangi abikigwe lōsa kanunu nkyayīlo.

⁵¹ Ilisiku limo, ukulumbilila pa nkikulu uyu ālyosisye amalundi ga Yeso, pamwanya mu Canada une nāyobaga iki, nguyoba nguti akabalilo kāko u nhēsya ālīsile ukunjātīla umundu yumo, umundu uyu āli nu tundendeko tumo abēne bafimbilisigwaga ukubūkamo ukukīnda bo bakāli abēne ukwīpilika bafwāne ukwīsa kukuyāta, pamo, ukuyobesania. U luyāto ko kuyobesania. Lilino, abēne bābagile ukwisa ku. . . Ukukōlelīgwa, ikyākwānda ugwe gwābagile ukukōlelīgwa. Polelo ugwe gwābagile ukwīsa ku kifigo kangi undumiana ābagile ukusuka injayo syāko, panongwa yakuti ukwēnda, ugwe gwāli nu kunūnga kwa i—kwa i finyamana na fyōsa bo ifyo mula mu nsebwe. Abēne bōsa. . . abāndu balinkwēnda injila yilayila ni kinyamana, kangi—kangi polelo kwālipo ukunūngīsya kangi ulufūmbi, kangi umwēnda gwa kiPalestina gulinkupimba ulwēne mmwanya kangi ulwēne lwasengamaga pa lifuke lya kilūndi, kangi i kisyo kūko ikyēne kikasīngigwe, kangi—kangi pa maboko. Kangi—kangi abēne babagile ukubakola abēne pa kifigo, undumiana ābagile, kangi ābagile ukusuka injayo syāke. Kangi polelo u nnyāmbāla uyūngi ālīmīle pala ni kifūnga kangi ni—ni supa, kangi abēne bābagile ukunyāfila i supa iyi pa maboko, kangi abēne bābagile ukugūsa ikyēne bo *ulu*, kangi—kangi ukugūsa ikyēne pa kisyo kyābo, polelo ukwēga ikifūnga nukwifyūla bēne. Ikyo kyālyēgile ubufīte bōsa kangi ukunūnga. Kangi ikyēne kyābagile ukuya ni kindukimo mu kyēne iki kyāpaga ulupūpwo, ngati mentholo, kangi ikyēne kyāpelaaga abēne ukwīpilika kanunupo.

⁵² Polelo akabalilo kāko abēne bālīgile nkati, komma ni fyaiyolo ifilato ififite ufwēle mma, ifilepukelepuke ifinīni fila,

abène bābagile ukuya na kanīni, ngati akanīni akapatapata ka nnyūmba, kangī abène bābagile ukwīngila nkati. Kangī polelo u—u nhēsya ābagile ukubūka nkati kangī—kangī polelo u mwenekaya ābagile—ābagile ukumfipa umwēne ukumwāmbilila. Kangī, muketile, ugwe ukalondaga u mwenekaya ukukufipa ugwe linga ugwe gwānūngāga ububibi. Ugwe āngāli utikulōnda ukwīngila nkyēni ni filepukano akabalilo kāko ugwe gwāli mfitāno. Kangī polelo u mwenekaya isakukufipa ugwe ukwambililīgwa, kangī polelo ugwe gwāli itolo yumo gwa nyumba.

⁵³ Kangī, lilino, Kyala ali ni findu bo ifi. Bo uswe tukwīsa naloliloli tukwitendekeyela ku bufwanikisyo bwa Kyala, uswe tukufimbilisigwa ukwanda ukusukigwa na misi ga Lisyu. Bwīpāgūlo, amīsi ga bwīpāgūlo aga gikupāgūla uswe ukufuma ku mbībi. Lilino, ikyākwānda, ugwe ukabagila ukuyoba kwa Kyala kangī ugwe ukabagila ukuyobesania na Kyala, kangī kilipo. . . Ikyākwānda, ugwe kufimbilisigwa ukupinduka ku iki ugwe ubombile, panongwa yakuti ugwe ukabagila ukwitika nubutalusye mpaka ugwe kupīndūka, “Ntwa, hobokela ubusalwitiko bwangu.” Muketile? “Hobokela ubusalwitiko bwangu.” Ugwe kufimbilisigwa ukupinduka, ukwanda. Kangī, akabalilo kāko ugwe kupīndūka, polelo ugwe gwe . . . imbībi syakunyuma isyāko sihobokelīgwe, polelo ugwe gwakubaligwa polelo kuli u lōsyo. Lilino, polelo Umwene āfingile u Mbepo Mwikemo, ukufuma pa lōsyo.

⁵⁴ Lilino, ikindu kyo, ukuti, pa buyobesanio ubu, uswe tukusyāgānia ukuti kwālipo u—u kusuka-kwa-njayo ni findu kufwēnefwēne na ikyo, kyōpe, ukōsya injayo syītu, ukuya kimanyilo kya ubwīfyūsu bwa Mbepo Mwikemo.

⁵⁵ Lilino, polelo, pabagile ukuyapo ubwīpilike bwapababili. Linga ugwe uli pa lwēnge nu gwāko—gwāko u mwenekaya, polelo ugwe—ugwe ukabagila ukuyobesania. Umma, ugwe—ugwe ukabagila ukubomba ikylene, panongwa yakuti ugwe kukanikana nu mwene. Lōli linga ugwe uli mu kupilikisania, polelo ugwe ubagile ukuyobesania. Polelo iyo yo njila iyi ikylene kiyilile akabalilo kako uswe tukwisa ku kigemo kya Ntwa, uswe tukufimbilisigwa ukuya mu kwitikisania ni Lisyu Lyake. Muketile? Uswe tukufimbilisigwa ukupapigwa kangī, u Mbepo gwa Kyala mwa uswe ikuyoba “ameni” ku Lisyu lililyōsa ili Umwēne asīmbīle, polelo uswe tubagile ukuyobesania nu Mwēne.

⁵⁶ Iki uswe tulinakyo ikya Kyala, linga indumbula syītu sikututobesya uswe, polelo uswe tuli nu bukundwe na Kyala. Uswe tumenye uswe tukufyāga ifisūme fyītu kangī ubusūme bwītu, yo nongwa yakuti indumbula syītu sitikututobesya uswe. Lilino, linga Kyala ikutubūla uswe tubagile ukupāpīgwa kabubili, kangī uswe tukambilīla ubupāpīgwe ubupya, polelo

uswe tukwipilika ikyabuhēšya ukusyungutila, ukunsuma Umwene kalikosa, muketile, panongwa yakuti uswe tumenye uswe tukafwanikisya indalusyo Syake. Ikindu kyene polelo lo lwīpūto lwa ntulwanongwa. Loli uswe tukuyoba nu Mwene akabalilo kako uswe tuli mbulilanisi nu Mwene, ikyo kikutwala ubuyobesanio.

⁵⁷ Lilino, iki ikyākusanusya kya mugonesyo, une ngulonda ukulīngānia pa kabalilo kanini. Lilino, uswe tukwēga, iki uswe tukukōlēla *mugonesyo*, yo nkati nu bwālwa. Lilino, ikyo kyo fiyo kikīmililigwa kanunu mma mpaka ikyēne kikaya nakanunu mma ukuyoba isya ikyēne. O, mūmo ikyo kikīmililigwa kanunu mma ukusuluka ukukīnda mfyīnja! Uko ko naloliloli kukaya kulilapalikimo, uko ko itolo ukukyūnga ingomelesyo. Muketile? Lilino, inongwa iyi uswe tukukikōlēla ikyēne mugonesyo, yo nongwa yakuti ikyēne kikufumila ku kibugutila kya Katolika panongwa ya “Ukaristia Umwikemo, iki kyo naloliloli mbili gwa Ntwa Yeso.” Lōli ugwēne gukaya go mbili gwa Ntwa Yeso! Ugwēne go itolo lukumbusyo lwa mbili Gwāke.

⁵⁸ Une ndikupāšya bo balinga bapūti pamo abalumbilili, pamo aligwesa ikusaya ikyo, ugwēne gukāli nkati nu bwālwa. Akayapo umputi bo uswe...abene bikutubula uswe, ikyo, “Kyala abagisenie ukupilikisya ku mpūti akabalilo kako umwene ikusanukila ku mugonesyo,” iki abene bikukikōlēla mugonesyo, “Ukaristia, ukuya mbili gwanaloliloli ugwa Ntwa Yeso. Polelo u mwitiki ikwega ikyo, kangī ugo go mugonesyo.” Ikyo kyo kisobi!

⁵⁹ *Ukuyobesania* ko “u kuyoba ku, ukuyobesania na, kindukimo iki ugwe kuyobako kangī ikyēne kisakuyoba ukugomokesya kwa ugwe.” Uko ko kuyobesania. Akabāma kakabagila ukuyoba ukugomokesya. Popāpo, nalolilōli, u mugonesyo gwānalōli yo Mbepo Mwikēmo ikuyoba ukugomokesya. Akabalilo kako ugwe kunsuma Umwene, polelo Umwene ikuyoba ukugomokesya, ugo go mugonesyo untalusyi. *Iki* kyo kikūmbusyo, ukwēga i...ikya bukomeligwe Bwāke kangī u busyūke Bwāke, kangī komma u mugonesyo. Uswe tukukikōlēla ikyēne ikyo, lōli ikyēne kikaya mma. Ikyēne kīsile ukufuma ku kipānga kya Katolika, ikya kwēga ikibāmba iki bo mūmo uswe twākīndilēmo i lisiku ilīngi mu lubātiko, kangī ukuyoba isya ikyēne pa *Ubwiputafifwani Ukulwana ni Kikristi*.

⁶⁰ “Mūmo fikuti akanini aka akabāma akākusyūngutila ko mbili gwanaloliloli gwa Kristi.” Lilino, i kipanga kya Katolika kikwitika ikyo. Ngimba umwe muketesisyemo siku, ukukīlania ikipanga, abene bikwipīngika bene, ukupimba ifitili fyabo, na fyosa? Ikyēne kikaya kipānga, ikyēne kyo kibāma nkati mula, “u mbili gula ugu u mpūti asanwīsye ukufuma ku kabāma ukubuka ku mbili gwanaloliloli gwa Kristi,” kūko imbeba ni ngēnge

sibagile ukusōsyāpo ikyēne. Fiki, ugwe utikubōmba, ukabagila ukwinogona mwābūndu, nukwinogona ukuti akayabo ka nkati kabagile ukuya mbili gwa Ntwa Yeso! Ikyene kikabagila ukuya.

⁶¹ *Mugonesyo* ko “ukuyoba, kangi ikylene kikuyobela ukugomokesya, ikindukimo iki ugwe kuyobagako.” Lilisyu lilalila *ukulūnganisia* kokuti “ukuyoba ku,” pamo, “ukuya kubōmbelana ni kīndukimo iki kikuyoba ukugomokesya kwa ugwe.” Kangi Kyala ikuyoba ukugomokesya kwa ugwe, mugonesyo. Kangi ugwe ne gukālī nkati nu bwālwa, ugu uswe tukukōlēla *mugonesyo*.

⁶² Lilino, Yeso āyobīle apa, bo une ngubala, “U mbili gwāngu go kyākulya kangi kyākunwa, i Lilopa Lyāngu, mbili ni Lilopa lyo nyama nukunwa.”

⁶³ Lilino, uswe tukulonda ukwinogona isya Yeso nu kubōmbēla nu Umwene, iki Umwene aali. Ngimba u mbili Gwake go fiki? Ngimba u mbili gwa Kristi go fiki? Ikyēne go mbili gwa bītiki aba bikubōmbelana nu Mwēne mwa Mbepo Mwikemo. Komma ikifwani, komma akayabo ka nkati, loli u Mbepo uyu ali mu ndumbula ya mwitiki, kangi abene bikubōmbēla palikimo, ukuti akabalilo kāko unnyambala na Kyala babagile ukuyoba ku nnine, abanabalumiana na banabalindwana ba Kyala. Unnyāmbala ugwakufwa, ukwisila mu kōna kwa Lilopa kwātwele ubufyūle bwa butulwanongwa, kangi unnyambala uyu nu nkikulu uyu, ndumiana pamo ndindwana, uyu ali nu bulilani na Kristi, ikuyobesania nu Mwene, u mbili.

⁶⁴ Bo mūmo u ndume nu nkasi bābagile ukwitūgāsya pāsi nukuyōba ikyēne mōsa, pamo u ndumiana nu ndindwān-unganigwa gwāke, Kristi ni Kipanga Kyāke kikuyobesania palikimo. Iyo yo nongwa uswe tubagile ukupilika ukufuma ku Mwene, nukukēta nkyeni pa nkyeni bo ikylene kikafika apa, nukuyoba kilabo ukuti ikyēne kyo kipelelesye, panongwa yakuti uswe tukuyobesania na Kyala Yūyo ikukolelēla Syēpwa nkiboko Kyāke. Ukuyobesania yumo nu nnine, u Mbili gwa Kristi, ugwambutitu, u Mbili ugwamwambepo ugwa Kristi. Komma ukubōmbelana nu luko lulilosa ulwa kifwani, pamo u nkati pamo u—u bwalwa, loli mu—mu luko lwamwambepo.

⁶⁵ Lilino, Yeso ayobile ikindu kilakila. Ugwe ega Mwikemo Yohani, untu gwa 4, ikuyoba ku nkikulu pa kisiba, umwene ayobaga pa kindu bo ikyo, “Aba tāta bītu bānwīle ku nyibuko iyi, nukukumba iki ikisiba, Yakōbe, kangī—kangī alinkupa isya bāna bāke kangī ing’ombe syāke isya mīsi aga, kangī Ugwe kuyoba, ‘Ipūta nkaya kamo *kakuti*,’ kangī abangi bikuyoba, ‘Mu kyamba iki.’”

⁶⁶ Yeso bo—bo bu bwīngi bwa aba bāyobile, “Itolo i miniti! Uswe twe baYuda, kangī uswe tukupilikisya iki kyo fiki, iki ukwīpūta kukusanusya. Loli pilikisya ku iki, nkikulu. Isala yikwisa, kangī lilino yo yili, ukuti abiputi ababwanaloli

bisakwiputaga Kyala mwa Mbepo kangu mu Bwanaloli. 'I Lisyu Lyako lyo Bwanaloli.' Kangu u Tāta ikulondalonda u luko ulu lwisakummwiputa Umwene mwa Mbepo kangu mu Lisyu, u Bwanaloli. 'I Lisyu Lyako lyo Bwanaloli.'" Lilino, Umwene aayobile ikyo ku nkikulu.

⁶⁷ Muketile, Kristi...Kyala yo Mbepo. *Kristi* kikusanusya "u mpakigwe yula, u nnyāmbāla umpakigwe na Kyala," uyu ālintendike Umwēne ukuya Kristi. Lilino, Kristi āyobile, "Une ne Kyākulya kangu Kyakunwa." Komma akabāma, komma akabāma aka uswe tukulya apa. Ako kakaya Kristi mma. U bwalwa ubu uswe tukunwa ku kigemo, bukaya Kristi mma. Ubwene bukwimila Umwene, mu njila yāfiwāni. Lōli Kristi yo Mbepo Mwikemo, ukupaka kuko kuli pa Kipanga, ikyo kyo Kyakulya nu Kunwa.

⁶⁸ Ingūto ingulumba ukukinda iyi yili nkisu kyosa, une ngusubila nayumo gwa umwe mupilikemo siku iyene, lōli, linga umwe mubōmbilēmo siku, yikayāmo i ngūto ukufwānikisigwa ni ngūto iya njala. Akabalilo kako ugwe kumbona u māma nu mwana gwake, kangu umwene akabagila ukwenda umwene monywa fiyo, kangu u mwana unnini ikufwa, nu lwānda lwāke lwīswīle ni njala, ukubapilika abēne bikulila ukufuma ku ndumbula ya māma yula, ukukēta aka bōnda kala na masaya gāke gagāndile nkati mpaka ikipapa kyābo ni fifupa, kangu utukenwe twāke utunini tukulāngāla, kangu umwene akabagila ukutēndēka unjwēgo, kifuki, utusigē twāke utunini tutūnwike pānja. Yikayapo ingūto ngati i njala ni kyūmilwa.

⁶⁹ Pānja mu lulangalanga, banyāmbāla balinga batāgile imyūmi gyābo ukufuma ku kyūmilwa! Utupāngo twingi, utu une mbagile ukūmilisya umwe ikilo kyōsa, isya tupāngo utwānalōli utwa lulangalanga. Mūmo fikuti akabalilo kāko ugwe kwēga...kuya ni kyūmilwa, mūmo u mōhēsi ikupa ugwe u—u bulāngālelāngāle. Umwe mububwene ubwene apa, umwe mutikufimbilisigwa ukubuka Kubwingilil'ilisuba ukububona ubwene. Būka pāsi pa nsebwe, kangu ikyēne kikuboneka ngati galipo amisi pāsi pa nsebwe. Aligwēsa gwa umwe mukētīle ikyo, mwe mwēndisye iligali kangu muyīlēpo pa nsebwe—unkulumba. Ubo bo bulāngālelāngāle ubusyōbi. Apa akabalilo kamo aka kakindilepo, ukufwana ifyinja fitatu pamo fina ifi fikindilepo, une mbalile kūko amasekwa gamo, gikupululuka ukukilania ikisu, gākētētīle i kilāngālelāngāle nukugwa pa nsebwe, gikwīnogōna agēne gātīkāga a mīsi. Kangu agēne itolo galinkubongotoka, galinkutika u nsebwe nubukafu, gikwīnogōna agēne gāgwāga mmīsi, i kilāngālelāngāle.

⁷⁰ Ko kalīnga u mōhēsi abōmbīle ikīndu kilakila ku bāndu, ukubapa abēne ikilāngālelāngāle ikyabusyōbi, kūko, kikayako nakimo kula, lōli ikyēne kyo itolo bwīpēla—bwītiki. Bīngi fiyo abāndu umwīsyūgu bikwēga ubwīpūtī ubwīpēla—mwītiki,

ukugela ukutëndéka i kindukimo pamo ukwîpèla ngati kilipo ikindukimo akabalilo kâko icyène kikaya lûlo mma! Bo yu nkikulu ntumigwa unnini yula âyobile ukuti umwene âgûlîle mpaka umwene âli nsisimikisye. Uswé kinunupo tubombe ikyo. Ugwe ukabagîla ukugomokela nukugela icyène kangî. Ugwe uli nu lusako lumolwène, kangî ugwe uli ni Kisîmbîgwe-kyakuketelelapo, popâpo uswe kinunupo tubûka ukusuluka ku bung'wâle.

⁷¹ Ingûto ya njala, pilikisya, iyène yo ngûto ingulumba panongwa yakuti iyène yo ngûto ya bukâmandigwe. U mûndu yula ikufwa. Kangî, o, linga uswe tubagîle ukufika pa buyo bula, linga ikîsu iki kyâbagîle ukufika pa buyo kûko icyène kyâyâga ni njala fiyo kuli Kyala! Ikyène kili mu njala imbîbîpo ukukînda ifîsu ngati India ifi fyo fyânjàla mu mbili, ikîsu iki kyânjàla mwâmbèpo. Loli ukufuma pâpo ugwe uli ni njala akabalilo katali bo ulu, icyene kikwisa ku buyo ugwe kamanya ugwe uli ni njala.

⁷² Itolo bo ukutalala. Ukufuma pâpo ugwe kufika kubutali bo lula, kutalala, ugwe kufika ukuya ntalalifu fiyo, polelo ukukîndapo akabalilo ugwe kwisakuya mulûngûle. Kangî akabalilo kako ugwe kubomba, ugwe kufwa! Kangî ikyo kyo iki kitamisye ikilo iki. I fipânga fifikilepo ukuya fitalalifu fiyo mpaka ifyène fikuya fitalale, kangî fikwînogòna abène balûngwile, ukwisila mu bwîngi, kangî bikufwa mwambepo. Ukufwa! Batikumanya icyene. Kubumalikisyo, umwene ikulambalala pasi ukugona utulo, kangî ifyo fyo fyosa fya icyene. Umwène atikusumuka kângî mma, panongwa yakuti ililopa lyâke lyâtalèle mu ndepa syâke.

⁷³ Lilino, ukumilwa. Yeso aatile, “Lilopa Lyangu kyo kyâkunwa naloli.” Linga ugwe uli ni njala ku Bûmi, kuya ni njala ku bûmi, Yeso ali na mîsi go gêne aga gabagîle ukusimisya icyûmilwa. “Isaga kwa Une, mwesa umwe mwe mukusukulika kangî muli nu nsigo unsito.” Kula mu Busetuli, icyène kyâyobile, “Unko umwène uyu ikûmilwa îsège ku nyibuko ya mîsi sya Bûmi nukunwa mwaitolo.” Linga ugwe uli ni kyûmilwa kuli Bûmi!

⁷⁴ Uswé tukukêta ukuti abafûnda-ndondwa bikulagusya, utubalilo tumo mu kiyabo kyakubwândilo iki pamo ikiyabo kyakubwândilo kya mwêsi, ukwânda pa lisiku lyâkibîli pamo lyâkihâno, pamo ubuyobumo nkati m'mwêsi ugu, abamanyandondwa ba kiIndia bikusakikisya ikîsu ukupufuka ntupatu. Kangî ikalatasi sya kiMerika sikûgîla icyène. Une ndikwîtika mma ukuti ikîsu kisakupufuka ntupatu, lôli une nalôli nguyoba icyène kyo kisobi ukûgîla icyène. Panongwa yakuti, ikindukimo kitendekisye ukuboneka limo mwa masiku aga, ikindukimo ikifwâne na ikyo, akabalilo kâko ifisu fihano, Mars, Jupiter na Venus, kangî—na fyosa bo ifyo, fikwisaga mu fyabo—fyabo... Ifyène fikakibombamo siku icyene. O, abene

bikwiyobela lumu ifyinja maelifu malongo mabili na mahano ifi fikindilepo, loli ywani agomokiile kula ukwakumanya icyene?

⁷⁵ Une ngusakikisya ukuti iki kili nububōmbèlo bwām̄wām̄bèpo. Une ngusubila ukwene ko kwisa kwa nōngwa ya Kyala, ukuti u busetuli ubukulumba bwa Lisyu bwisakwīgulīgwa akabalilo aka. Kūmbukilāga, abēne bikwiyobela icyēne kyāli indondwa sitatu syālīsile mu mbusyūngutīlo bwābo akabalilo kāko Yeso āpāpigwe. Kangi isi syo sihana, kangi ihano lyo lipyāna, imbalilo ya lipyāna. Fītatu yo mbalilo ya bupelelesye. Fīhano yo mbalilo ya ipyāna, Y-e-s-o, i-p-y-ā-n-a, l-w-ī-t-ī-k-o, fyōsa bo ifyo. Mbalilo ya ipyana! Kyala ikutumamo siku a maka Gake ku kipanga, icyēne kisakuyaga lipyāna Lyāke, icyēne kitisakuyaga lupilikilo lwa bāndu. Kangi Iyēsa aatile, mu ntu gwa 40, aka “kuutilo kwa Yerusalemu, ukuti ubwite bwake bumalike,” napāpo umwēne ālintobesigwe isya bwīputafifwāni, lōli ilyēne lyāli ipyāna lya Kyala ili lyātumāga icyēne. Kyala ikutuma kalikōsa kwa uswe, ilyēne lisakuyaga ipyāna Lyāke kangi komma ubwibagilile bwītu mma. Polelo, icyene kibagile ukusanusya ikindukimo. Une ngusakikisya ukuti kwisakuyangako ulwāndulo. Une ngamanya iki icyene kikuyaga, loli une ngwitika icyene kitendekisye ukuboneka. Uswe tuli pa . . . papapa pa kifuki kya icyēne lilino.

⁷⁶ Kangi linga unnyāmbāla aligwēsa ali ninjala, ndeke umwene isege kwa Kristi. Linga umundu aligwesa ali ni kyūmilwa, unko umwene isege kwa Kristi. Umwēne ikusimisa ikyūmilwa. Umwēne yo Mwīkutisi gwa kyōsa icyītu ikyūmilwa ni njala.

⁷⁷ Une nāli na kapango aka kāyobigwe kwa une akabalilo kamo aka kakindilepo. Une nābagile ukuti nakibūlile icyēne mu kipānga iki. Linga une njobile, umwe nhobokela une panongwa ya kwāndisya akēne itolo ukutika utufūndo. Āliko u kalōngolèla gwa kiMwēnyē, pamo, u luko lwa nkētēsī gwa baMwēnyē. Umwēne ēndāga nkīsū kya Navajo, kāngi āli, alinkuya njōnge. Ingamu yāke āli Coy. Kangi umwēne ābūkāga ukusuluka akayila, akayila ka finyamana, kangi umwēne inogonāga, “Lilino, linga une ngutika akayila aka, une naloliloli ngugāgāga amīsī.” Kangi i fālāsī yāke yāli fiyo yūmilwe mpaka ululimi lwāke lwēlēlāga pānja, lūmīle, imbulo syālyāndwike ngesefu nukūma nu nsānga. Umwēne ākolelile ikifūnga kyāke pamwanya pa kisyo kyāke mu mbelo gwa nsanga mpaka icyēne kyapīyigwe mōsa, kangi umwēne āpyūtīgwa, panongwa ya mīsī. Kangi umwēne ālongolelāga ifalasi yāke akabalilo kāko umwēne ātikīle injila. Kangi umwēne alinkuti, akabalilo kāko umwēne āfikīle pa falasi umwēne ākabwēne akayila ka finyamana aka, alinkuti, “Naloliloli akēne kisakunyēgelāga une ku mīsī.” Popāpo umwēne ikunyēla ukwitoga pa falasi yāke nukwāndako ukusuluka pa kayila.

⁷⁸ Kangi i falasi yāmènye yōpe iyēne yāli pa kayila ku mīsi. Mūmo Kyala ikupa amabyebye ku kinyamana ikisitakuyoba! Kangi ukusuluka ku kayila iyēne yilinkubūka. Kubumalikisyo, panāndi kyāsanwike ukusōkāpa ku lubafu lumolwēne, itolo pabunāndi fiyo ukusōka pa kayila akapamandigwe. I falasi yālōndāga ukusanukila injila yila, lōli Coy ālinogwine mbukīndāne. Umwēne āgelile ukūmilisya iyēne mu kayila akānywāmu akapamandigwe, kangi umwēne alinkwāndako ukusuluka kangi i falasi yilinkusita kubūka. Umwēne alinkuyiniōngotola iyēne, kangi iyēne yilinkusyūmbutuka nukwāndako injila iyīngi. Kangi iyēne yilinkwānda ukwīnukila mmwanya. Umwēne āli nkatale fiyo ukungwīsyā umwēne.

⁷⁹ Popāpo umwēne alinkwānda ukukwāba ifilaso ku yēne kāngi, mpaka umwēne alinkutumula i falasi, fiyo anyenyemusigwe ukufika ku mīsi, ubūmi bwāke āngali bukupayigwa, mpaka i falasi yālimile, yikutetema, yikōnek’ilopa. Kangi umwene alinkuketa pasi, alinkuketa pasi pala, kangi umwene alinkutetema bo *lula* kangi kifuki ukugwa pāsi pa mwene. Umwene alinkukēta pāsi ku mwene, kangi alinkukēta ililopa pa lubafu lwake. Umwene āli Nkristi. Kangi umwēne alinkuyoba ku falasi yāke, umwēne alinkuti, “Une akabalilo kīngi mbilike ukuti ifyandīsu . . . pamo, ifinyamana fyāli na mabyebye. Ikyēne kitikuboneka ngati akabugutila akanini panāndi kala kāsyumbutwike panja injila yila kābagile ukubūka ku mīsi. Ikyēne kikuboneka ngati injila inywāmu iyi apa yābagile ukulōngolela kūko abēne bikubūka kingikingi ku mīsi, lōli,” alinkuti, “linga ugwe umbīmbile une nubusūbiligwa mpaka na lino, une nisakukōnga amabyebye gāko.”

⁸⁰ O, mumo une ngwinogona isya ikyo isya Kristi! Injila ya ku bōhangiko yo yifumusigwe kangi yimulikigwe injila yōsa, lōli gulipo unsebwe unsekele ugu gukulōngolēla ku Būmi. Banandi bisakuyangapo aba bikuyagaga Iyene. Kwene, komma amabyebye, loli u Mbepo Mwikemo isakukubikaga ugwe palubafu ku misi gala aga Bumi. Une ngwinogona, Ikyene kindwele une nubuponesyo mpaka na lino, une ngukyegaga Ikyene injila yosa iyi yisyele.

⁸¹ Ukumalisya akapango, umwene—umwene akābukile sinda gwa mailo, mpaka, lōsa pa kamokēne, i falasi insubiligwa yila yilinkwītāga mulamula nkibwīna ikinywāmu ikya mīsi. I falasi yāmènye iki iyēne yāyobelāga ngapo, iki iyēne yāsanusyāga mu njila yāke iya buyobelo ku u—u ntogi. Umwene alinkufika nkati mula. Umwene alinkuti umwene āsopile amisi mmwanya mu mbulo ya falasi. Umwene alinkumōsyā umwene, umwene alinkulalata kangi umwene alinkuywega, kangi umwene alinkuywega pamwanya pa masyu gake, nukonelela amisi pāsi pa mmilo gwāke, nukukūta, “Uswe tupokīgwe! Uswe tupokīgwe! Uswe tupokīgwe!” Kangi i falasi, yikunwa, kangi yikutetema. Kangi umwēne alinkukēta ku lubafu lwāke

ulufulale, polelo bōsa ubwānike ukufuma kubungw'āle bwa fyākulasa.

⁸² Kangi alinkuti itolo akabalilo kala, umwene alinkuti. . . āpilike u munduyumo ikuyoba, “Sōka panja pa misi.” Kangi umwēne alinkukēta, kangi pala ālipo yumo ung'wālang'wāligwe untimang'ombe imile pala. Kangi umwēne alinkusōka pānja pa misi. Umwene alinkuti umwene ānungisye u moto, kangi umwene alinkukēta ukukilania, kangi pala kyalipo ikipambo kya bandu ku bugonelo kula. Abēne bāli pamwanya pala bafwēle imyēnda ya bafukula-migodi. Abēne bātikile u golidi yumo, kangi pa nsebwe ukugomokela abēne bāli ni falasi syābo nukulūndika ifalasi mula, kangi abēne bālisile ku kibwina kya mīsi iki kangi bātūsyāga, kangi abēne bōsa bānwile.

⁸³ Kangi alinkuti abēne bāli nako kumo ukupīya inyama ya mbabala kangi umwēne nalōli alinkulya na bēne. Kangi alinkuyoba, yumo mwa bēne, “Inwa ikyakunwa.” Umwēne alinkubabūla abēne uyu umwēne āli, umwēne āli Jack Coy, u— u kalōngolēla gwa kiMwēnye. Polelo umwene alinkuti, “Ena, lilino, inwa ikyakunwa.”

Umwene alinkuti, “Umma,” umwene alinkuti, “Une ndikunwa mma.”

⁸⁴ Kangi ikyo kyo luko lwa mahelu ku bandu bala. Polelo umwene alinkuti, “Ugwe kwegaga ukunwa ukufuma kwa uswe!”

Umwene alinkuti, “Umma, une ndikunwa mma.”

⁸⁵ Polelo umwene alinkusopa indeko mmwanya, kangi alinkuti, “Ega unnwa!” Bagele, bosa ba abene, umwe mumenye, ukufwana sinda gwa kalongo na babili.

Kangi polelo umwene alinkuti, “Ndaga ugwe, balumiana.”

⁸⁶ Balinkuti, “Linga inyama yambabala yītu nnūnu ukufwāna ukulya, ubwālwa bwītu bo bununu ukufwāna ukunwa.”

⁸⁷ Kangi umwe mumenye mumo abene bayilile, bagālīle. Kangi umwene alinkuti, “Umma,” umwene alinkuti.

⁸⁸ Kangi abene balinkusopa ikikalang'asa mu ndusu, kangi balinkuti, “Lilino ugwe kunwaga pamo ikingi!”

⁸⁹ Umwene alinkuti, “Umma. Umma, une ndisakunwa.” Kangi umwene alinkwanda ukutega indusu. Alinkuti, “Itolo pa kabalilo.” Alinkuti, “Une ngaya nulutende ukufwa mma.” Umwene alinkuti, “Une—une ngaya nulutende ukufwa mma.” Umwene alinkuti, “Loli une—une ngulonda ukukubula ugwe akapango kangu bo une ngāli ngabomba, inongwa iyi une ndikunwa mma.” Alinkuti, “Une ndi gwa ku Kentucky.” Umwēne alinkuyoba, “Kangi mu katēmbē kanini akaiyolo akāfisīnga ulubūnju lumu, kūko u māma alāmbalēle ikufwa, umwēne alinkungōlēla une ku lubafu lwa kitala, kangi alinkuti, ‘Jack, u tāta gwāko āfwile na kabugutila ka makadi nkiboko

kyāke, ukukilania i mesa, agālīle.’ Kangi alinkuti, ‘Komma ukunwamo siku, Jack, kilikyosa iki ugwe kubomba.’” Kangi alinkuti, “Pa lubafu lwa mama gwangu une ndinkwāla amaboko gangu. Kangi une nalingile kwa Kyala, ukuya ndumiana gwa fyinja-kalongo-mbukusi, une āngali ngwēgamo siku ukunwa kwangu kwakwanda.” Umwene alinkuti, “Une ngakinwamo siku ikyene.” Kangi alinkuti, “Lilino linga ugwe kulonda ukutususilila, ugwe itolo tusulila.”

⁹⁰ Kangi bo unnwa alinkufyūsyā indusu yāke nukukisopa ikikopo mmwanya kangi, alinkuti, “Ega ubwēne pamo une nisakutusulila!” Kangi itolo polēlo i ndusi yilinkutūsulila kangi ikikopo kilinkupufuka.

⁹¹ Īmile ku lubafu lwa kyāmba āli unnini ugwaiyolo untimang’ombe, ungw’ālang’wāligwe, na māsōsi gikubopa ukusuluka amasaya gāke. Umwēne alinkuyoba, “Jack, une nīne ngufumila ku Kentucky. Une nātēndike u lufīngo kwa māma ilisiku limo, lōli une nālyōnēnge u lufīngo lwāngu.” Umwēne alinkuyoba, “Une nagūlilāga mpaka abamiāna aba bafikilepo ukugāla ukufwāna, kangi nāyaga pakugoga ikipambo kyosa ikya bēne, mulimosa, ukwega iki golidi abene bāli nayo.” Umwēne alinkuti, “Lōli une njīle ngālīle kangi une mbōmbīle ubusōbi. Lōli,” alinkuti, “Une ndinsisimikisiyā akabalilo kāko indusu yāngu yālūndumāga mmwanya ukukīnda ifyāmba fya Kumwanya, u māma āpilike une ngusīmba u lufīngo lumo une ndisakubōmba ikyēne kangi mma.” Kangi pala, ukwisila mu lipyana lya Kyala, umwene alongolīle a bandu bosa bala kwa Kristi, bosa bala panja pala.

⁹² Muketile, kilipo ikindukimo ukufwana na misi, ikindukimo ikya kupūpwa. Ifundo yangu yāli, ukufika ku misi akabalilo kāko ugwe uli ni kyūmilwa. Kilipo ikindukimo ikyēne kikubōmba kwa ugwe, ko kubūkāga ku mīsi akabalilo kāko ugwe kūmilwa.

⁹³ Lilino, Umwēne alinkuti, “U lutēngāno Lwāngu Une ngululeka na umwe. Lwāngu ulutēngano Une ngupa umwe.” Komma bo ikisu kikubapa umwe ulutengano, loli injila iyi Umwene ikubapa umwe lutengano. Ulutēngāno Lwāke lukusimisyā ikyūmilwa kyītu. Linga uswe tukunyōnywa u lutēngāno, polelo unko uswe tupūpwe mu lutēngāno Lwāke, ukumanya ukuti uswe tuli nu lutēngano na Kyala ukwisila mwa Ntwa gwītu Yeso Kristi. Umwēne yo mupi-gwa-Lutēngāno gwītu uyu ukusimisyā ikyūmilwa kyītu.

⁹⁴ Ilināndi ili likuyoba Umwēne yo Kyākulya nalōli kangi Kyākūnwa nalōli. Une ndinako akanini akang’wāle apa, ilinandi lya 57, “Kyākūlyā nalōli kangi Kyākūnwa nalōli.” Pilikisiya iki Umwene āyobīle apa.

*Kangi mūmo Tāta gwābūmi āndumile une, kangi
Une ndi mūmi ukwisila mwa Tāta Gwāngu: momūmo*

umwēne yūyo ikulya une, yōpe isakuyaga mūmi ukwīsila mwa une.

⁹⁵ Mmasyu agangi, “U Tāta ālindumīle Une, kangi Une ndi mūmi ukwīsila mwa Mwene. Kangi u nnyambala aligwesa uyu ikwīsa kwa Kristi ikufimbilisigwa ukuya nu bumi na Kristi.” O, mwe, mwākēta umwe lēlo, ugo go mugonesyo. Ugo go mugonesyo gwānalōli ugu ugwe kugwāga akabalilo kāko ugwe kuya mūmi ukwīsila mwa Kristi.

⁹⁶ Lilino, imibili gyitu gikulondigwa ifyakulya nukunwa ilisiku lililyosa, ukuya mūmi, umbili gwitu umpalamasigwe. Linga uswe tutikwega ifyakulya i lisiku lililyosa nukunwa, polelo u mbili gwitu gukuya monywa. Kilipo ikindukimo mwa uswe ukuti uswe tukufimbilisigwa ukuya nakyo i kyakulya. Ikyākulya kya lisiku limo kitisakuyapo mpaka ilisiku ilikōnge. Ugwe kufimbilisigwa ukuya ni kyākūlya ilisiku lililyōsa, ukukasya ubūndu bwāko ubwakufwa. Ugwe ubagile ukwitugasya ukukilania, loli ugwe uli monywa. Kangi ilisiku lya kibili, ugwe ukāli uli monywa. Kangi ilisiku lyakitatu, ugwe kufika ukuya nalōli mōnywa.

⁹⁷ Ena, ikyo kyo iki akabalilo kīngi ukuti uswe tukubomba mbulagili bwamwambepo. Umwe muketile, ilisiku lililyōsa uswe tukufimbilisigwa ukuyobesania na Kristi. Uswe tukufimbilisigwa ukuyoba ku Mwēne ilisiku lililyōsa. Uswe tukufimbilisigwa ukusayana ikyēne nu Mwēne ilisiku lililyōsa. Pauli āyobīle, “Une ngufwa ilisiku lililyōsa.” Muketile? “Ilisiku lililyosa, une ngufwa; lōli une ndi mūmi, komma une lōli Kristi mūmi mwa une.” Polelo, linga umbili gwako umpalamasigwe gukulondigwa kyakulya ilisiku lililyosa nukunwa ilisiku lililyosa, ukuya mūmi, umbili gwako ugwām wāmbèpo gukulondigwa i Kyakulya ikyamwambepo nu mugonesyo nu Ntwa ilisiku lililyosa, ukuya nu bumi. Ena. Yeso aatile, “Umundu atisakuya nu bumi nu nkati gwene umma, lōli ni Lisyu lililyosa ili likufuma pa kanwa ka Kyala.” Popāpo, ilisiku lililyōsa uswe tukufimbilisigwa ukufunda i Bāngéli. Abāndu bamo batikufūnda Ilyēne napanandi. Bāmo bakulipīmba Ilyēne kabili pamo katatu kōsa i kyīnja. Loli, umwitiki ugwabwanaloli, ugwanaloliloli uyu naloliloli ayengigwe, umwene ikubala ili Bāngeli lyake ilisiku lililyosa, kangi ikuyoba kwa Ntwa. Uko ko kutalusya. [Ubuyo busitakandu pa tepi—Nsimbi.] Umwene ikufimbilisigwa ukubomba. “Umundu atisakuya nu bumi nu nkati gwene, loli ni Lisyu lililyosa ili likufuma pa kanwa ka Kyala.”

⁹⁸ Lilino, ikīndu ikīngi uswe tukulīla ikyākūlya, ko kuyēnga u mbili ukulwāna ni mbūngo. Linga ugwe utikulya ifyakulya, kangi ukwitikisya umbili gwako ukuya monywa, polelo ugwene go gwīlāmbike ku mbungo. Imbungo yisakukonyokaga mulamula nkisoko kya lilopa, kangi apa ugwe ukīndile. Linga

ililopa lyāko likaya likabi kangu lipelelesye, mulimosa, polelo ilyēne lisakubūkāga, imbungo yīsa kubūka mulamula mu lusōko lwa lilopa lyāko. Popāpo ugwe kufimbilisigwa ukulya icyākūlya ikinunu icyākuswila ukukyūnga ulusōko lwa lilopa lwāko luyege kanunu. Linga ugwe utikubōmba, ugwe gwe gwākwbūla ku mbungo syōsa. Ikyo kyo iki kitamisye na baKristi bingi.

⁹⁹ Ngati ifibyāligwa mu nyūmba ya nāsale. Umwe mumēnye, ugwe kwēga ikimela panja pa nyūmba ya nāsale, ugwe kufimbilisigwa ukukipepeka icyēne. Ikyēne kikamanya akabalilo. Ikyēne kikamanya ulumu ni findu, icyēne kifumile pakukupililigwa pamwanya nu kupākisigwa. Kāngi ikyo kyo iki kyo lutamio na bingi fiyo aba-bikukōlēligwa Bakristi, abēne bo fimela fya nyūmba ya nāsāle. Uko ko kutalusya, ukwīlāmbika ku kanyamana kalikōsa aka kakwīsamo mula! Umwe mumenye, icyēne kyo itolo i—i . . . Ikyēne kyo itolo i—i kimela icyōnywa iki kikufimbilisigwa ukunyāfiligwa, pamo, i fimela fya haibridi.

¹⁰⁰ Umwe mumenye, ugwe kwēga iyaiyolo i ng'ombe ya Hereford nukummwābulila umwēne panja pala pa ndēka, nukummwābulila u ntali-mbembe panja pala, u ntali-mbembe yula abagile ukutēndēka injila yāke mwēne panongwa yakuti umwēne yo kimesya icyapabwāndilo. Lōli ugwe kwēga u Brangus pamo i Hereford iyo yo kimesania kangu i haibridi, iyēne yo ng'ombe innunupo ukukēta namāso, nalōli, ndupanopo kangu ngafupo, lōli ugwe kagila isyēne panja pala, isyēne sikabagila ukutēndēka i njila yābo. Isyēne sisakufwa! Isyēne sikufimbilisigwa ukuya mbubisigwe. Muketile?

¹⁰¹ Kangu ikyo kyo iki kyo lutamio umwīsyūgu, uswe tuli nabo aBakristi abafwāle-kanunupo, ifipānga ifinywāmupo, kangu bwingi bwa—bwa ubumanyili, bwingi bwa bufundakyala, loli abene bikufimbilisigwa ukuya bapubisigwe akabalilo kosa, ugwe kufimbilisigwa ukukēta ukwīsila mu māndalasi gābo pamo ugwe utikukēta napanandi mma. Iki uswe tukulondigwa kyo Bakristi bamesigwa-mbupelelesye, bapāpigwe paasi pa Lilopa lya Ntwa Yeso, uyu mūmi komma ukufuma ku bufundakyala, lōli ukufuma ku Lisyu lya Kyala, u mugonesyo na Kristi. I Lisyu likwisa mwa mwitiki, umbili gwake—gwake ugwamwambepo gubūmbigwe. Komma u mwāna gwa nyumba ya nāsāle!

¹⁰² Alipo u ndumbilili yumo āyobile umwisyugu, une nālimpilike umwene, umwene āyobile ikyo pa bufumusye, umwene alinkuti, ukuti akabalilo kako umwene ikwisa nkisu, umwene āli nu lutamio ulukulumba lwa kipungo icyabwilabwila, kangu abene bāyobaga isya bupanje. Kangu abene balinkuyoba ukuti abene bayaga pakubomba *iki* na *kila*, nu kukēka pa mwēne nu kupānja, nu kusōsyāpo ikiyabo kimo kya mbakasya ya mumbulo, iki kyābagile ukwīngisya

ikisyo kyāke nkati, na fyosa bo ifyo. Kangi umwēne ālinkuyoba umwēne ānwīle amapilisi ukwīsula i ndobo. Kikuboneka ngati gālipo amapilisi mīngi fiyo aga umwēne āfīmibilisigwaga ukunwa. Loli akabalilo kako umwene ikwisa ku ngānga unnunu u gwaKikristi, u ngānga āyobile, “Unko uswe twībwe amapilisi kangi unko uswe twībwe u kupānja, kangi unko uswe tuyēnge mōsa u mbili ukuti ugwēne gubagīle ukulwāna ni kipūngo.” Ikyo kyo kyēne!

¹⁰³ Ngimba kitamisye fiki abāndu batikuya nu būmi akabalilo katali bo mūmo abēne bālisibīle? Uswe tukufīmibilisigwa ukwēga i sindāno kuli *iki* kangi i sindāno kuli *kila*, nukwipūtila twībēne ukukilania nu luko lōsa lwa mikota. Ngimba ikyēne kikubōmba fiki? Ikyēne kikutufikisya uswe ukuya batōfu, batupano, bayegeyele, basita bununu. Akabalilo kāko u nnyāmba gwa mbutali ubu bukīndilepo...Fiki, uswe twe bakwāmbūla ku kilikyōsa. Lilino abēne bikwāmbula ifyakwambula-kwāmbula na filifyōsa ifīngi.

¹⁰⁴ Une nīmilemo mu Africa, nātologwe ukulāsigwa ni sindāno kuli i sekema ya mbwēle. Lōli imbwēle ya sekema yābagile ukwītōga pa kiboko kyāngu, une nguyaga ni sekema ya mbwēle. Isyēne sitikuywēga, kangi ugwe utikumanya mma kifuki. Isyēne sikwitoga, isyēne itolo sikwītōga pamwanya, ikyo kyo ikyēne, ugwe uli nayo iyēne. Linga ugwe kuya mūmi, ugwe kwisakuya ni yēne ku fyīnja kalongo-na-fihano. Kangi polelo utabalilo tumo ugwe kufwa ni yēne. Kangi pala bālipo bala abenekīsu mu tutēmbē twābo utunini, ni mbwēle mōsa ukukilania mmalūndi gābo, abēne bali ngelebune. Imbwēle sikwibanīlila pa bēne, imbwēle sya sekema, kangi ikyēne kikābatamiaga abēne. Fiki? Abēne bāyēngile mōsa ubwīponesyo. Abēne bāli ni sindāno imbīgwe-na-Kyala.

¹⁰⁵ Kangi ikyo kyo iki kitamisye umwisuyugu na bandu. Ikyo kyo iki kitamisye ni kipanga. Uswe tuli ni sindāno nyīngi fiyo isyabupubisye kangi ubufundakyala ubutendekīgwa-nu-mūndu, mpaka uswe tupūtiligwe mōsa. Iki uswe tukufūmbwa yo sindāno ya Kyala ukwisila mu Lisyu lwa Ntwa Kyala. Mundu isakuya mūmi ilisiku lyōsa nu luko lwa Kyākulya ukuyēnga umoyo gwāke ukubuka mu sindāno ukufūma ku mbungo syamwambēpo isi sikwēndelēla nukunyēla ukusyūngutila i kīsu. Ndinakyo ikilūndiko kya tusīmbe pa iki, lōli une nguyaga pakufīmibilisigwa u kwīma.

¹⁰⁶ Lilino, yēnga mōsa, yaga gwakwītēndekesya kuli i sindāno. Lilino, uswe tukuya būmi pa iki, igyītu—igyītu imibili gikufīmibilisigwa ukuya na iki. Kangi, linga uswe tutikubōmba polelo uswe tukulāmbikīgwa ku luko lōsa ulwa mbungo. Kangi i Lisyu lya Kyala, bo uswe tukwitika Ilyene nukulitikisya Ilyene ukwisila mugonesyo, “Ntwa, i Lisyu Lyako lyo Bwanaloli.”

¹⁰⁷ “Ikipanga kyangu kikuyoba ugwe utikufimbilisigwa ukupapigwa kang’i. Abene bikuti, ‘Ukuponania amaboko ko kupāpigwa kang’i.’ Abene bikuyoba, ‘Kunyafila.’ Abene bikuyoba ifindu fyosa ifi, ‘Ikyo kyo kyene, Tāta, Mwanundumiana kang’i Mbepo Mwikemo.’” Lōli i Bāngēli lyāyobile ukōsigwa mu Ngamu ya Yeso Kristi. Muketile? Lilino, umwe kīndililāga ni sindāno inyātigwe sila linga umwe mukulōnda, ugwe kwipelaga gwimwene ukuya Nkristi umwātigwe. Muketile? Ugwe utikulonda ikyo.

¹⁰⁸ Ugwe ukabagila ukuya nu Bumi, kwene ukwisila mwa Kristi. Kang’i lilino ngimba i Lisyu Lyake likubomba fiki? Ilyene likuyenga u mbili gwitu, gwamaka, mumo uswe tukuyobesania nu Mwene, ukulwana nu mōhēsi.

¹⁰⁹ Ugwe kuyoba, “Nkundwe Branham, ngimba ikyo kyo fiki ugwe kuyoba, ‘ukuyobesānia mu Lisyu Lyāke?’”

¹¹⁰ Ena, Umwene yo Lisyu. “Ku bwandilo lyalipo i Lisyu, kang’i i Lisyu lyāli na Kyala, kang’i i Lisyu lyāli Kyala. Kang’i i Lisyu lyapelligwe ukuya mbili kang’i nukwitugasya pakati pitu.” Kang’i uswe tubagile ukulya u mbili Gwake. Polelo u mbili Gwake go Lisyu Lyake, panongwa yakuti Umwene yo Lisyu. Kang’i Umwene alinkuti, mwa Mwikemo Yohani 15, “Linga ugwe kwitugasya mwa Une, kang’i u mugonesyo Gwangu, i Lisyu Lyangu, likwitugasya mwa ugwe, polelo ugwe ubagile ukusuma iki ugwe gwīganile kang’i ikyene kisakubombeligwaga kwa ugwe.” Mwaketa lelo umwe. Ikyo kyo kyabwanaloli. Muketile, suma iki ugwe kulonda!

¹¹¹ Ngimba ugwe kubombaga fiki? Ugwe kuyenga u mbili gwako ku sindāno ukufuma ku... Umunduyumo ikwisamo kang’i alinkuti, “O, ikipanga kiyitu kitikwītika mukulalata.” Muketile, ugwe kuyēnga mōsa. Fiki? Ugwe uli nu mugonesyo mwa ugwe, i Lisyu. Kang’i ugwe uli ni sindāno ukufuma ku kyene. Linga ikipambo kya butoyofu kikwisa nkati, ngimba ikyene kyo fiki? Ilyene likaya nalyo i Lisyu mu lyēne, polelo ugwe usisimikiisye ikyēne kyo kisobi. Une ndikupasya mumo ikyene kikubonekela kyabwanaloli, linga ikyene kikaya Lisyu kileka kyene ikyene. Kotalusya, kileka kyene ikyene. Une ndikupasya iki ikyene kikubomba, ikyene kikufimbilisigwa ukufwanikisania ni Lisyu!

¹¹² Mu lwīpūto, bo une ngwāndīsya Mikaya imile pala, kēta, ikyēne kyābonekāga naloliloli palapala, akabalilo kāko pala ālipo Israeli, kang’i akayabo kala ka kīsu kyāli kya bēne. Abahēsya bala bālingilēmo nkati nukwēga ikyēne ukupoka abēne kang’i bāyēngile inyūmba syābo bēne, kang’i abēne bālyēgile ikiyabo kya kīsu iki Kyala abapēle abēne. Polelo ikyene kyabonekaga ngati bala abasololi bamia bana ba kiHiburi bāli batalusye. Loli, umwe mumenye, kyalipo kimo ukufwana

na Yehosafati aali gwamwambepo, umwene alinkuti, “Ngimba ugwe ukaya nayo uyungi?”

113 Alinkuti, “Une ndinayo uyungi, lōli,” alinkuti, “Une numbengile umwene. Ikindu kyene iki umwene ikusolola kyo kibibi.”

Alinkuti, “Buka ukammwege umwene kangi unko uswe tumpilike umwene.”

114 Kangi umwene alinkubuka pamwanya, umwene alinkuti, “Kindililāga, kindililāga mwanya pala, loli une numbwene Israeli ababalanisigwe ukuya bo ng’osi sikaya nu ntimi.” Kangi polelo umwene alinkubabula imboniboni yake.

115 Lilino, kyaywāni kyo kitalusye? Ikyēne kyābonekaga ngati abamia bana bala bāli batalusye. Abanyāmbāla bamia bana abamanyisigwe kanunu, bikuyoba, “Buka kula, u Ntwa ali na ugwe.” Kangi yōpe Zedekiya āli ni—ni—ni—āli ni. . . Zedekiya āli ni mbembe sibili inywāmu isyakisulu siyēngigwe. Umwene alinkuti, “Ukwisila mu iki ugwe kwisakuguta abahesya panja pa kisu.” Umwene aali nsisimikisye umwene aali ntalusye. Umwene aamenye umwene aali ntalusye. Loli, umwe muketile, umwene aali nsobi.

116 Kangi apa, Mikaya, yumo ukulwana na bamia bana, kangi umwene alinkuti, “Linga ugwe kufyuka, Israeli isakubalanilaga, kisita ntimi nayumo.”

117 Kangi abangi bātīle, “Buka kula, u Ntwa ali na ugwe!” Lilino, mufyakupalamasigwa, abēne bāli batalusye, ubuyo bula nalōli bwāli bwa Israeli. Loli i Lisyu lya Ntwa lyālintobisye Ahabu, polelo bulebule Kyala asaye iki Umwene ātōbisye?

118 Pala icyēne kili umwīsyūgu. Muketile? I Lisyu lya mugonesyo lyāli mwa Mikaya. Lilino, linga ugwe kuyobesania na Kyala mu kwegu umugonesyo ugwanalolili, kangi imbepo mwa ugwe yikulwana ni Lisyu ili, ugwe utikuyobesania na Kyala, ugwe kuyobesania ni misyētāno. Kangi igyēne gyo fiyo gyākwēgelēla! Ili Bangeli lyāyobile, “Mmasiku ga bumalikisyo abene kifuki ukusyōba a Basaligwa linga syāli syakubombigwa. Loli kumwanya na pasi fisakumalikaga, loli i Lisyu Lyangu litisakumalikamo.” Kangi linga i. . . Pauli āyobīle, Galatiya 1:8, “Linga ugwandumi ukufuma kumwanya ikulumbilila inongwainunu yiliyosa ukukinda Iyi umwe mutalile mwapilike, ndeke umwene agunigwege.” Yōpe u gwāndūmi! Mu kipanga icyāpakwānda, akabalilo kāko abanyāmbāla bala, bo yu Mwikemo Martin, Irenio, abanyāmbāla abanyakyala, akabalilo kako u mōhēsi ābonekaga bo gwandumi gwa lumuli. Loli, umwe ketesya, umwene ikuyaga panandi itolo pānja pa Lisyu.

119 Umwēne ābonike kwa Eva ukuya gwāndūmi gwa bwēlu, ālimbūlile umwēne, “Naloli, u Ntwa āyobīle *iki*, u Ntwa āyobīle *iki*,” lōli umwēne ikukanikana na Kyala kulakula

ku bumalikisyo. Kangi iyo yo njila umugonesyo unsyōbi gukubōmbēla umwīsyūgu. Akabalilo kako abandu bikwinogona abene bikwiputa kwa Kyala, kangi batisa kupilikila i Lisyu, ugwene go mugonesyo ugwabutungulu.

¹²⁰ “Linga ugwe kwitugasya mwa Une, kangi i Lisyu Lyangu mwa ugwe, polelo suma aka ugwe gwiganile,” muketile, “kangi ikyene kisakubombigwaga.” Lilino, ikyēne itolo kikabagila ukubūka akabalilo kamokēne, polelo ukusōka akabalilo akakōnge. “Umwe itūgala mwa Une, Masyu Gāngu mwa umwe,” ikyo kyo, syāla pala. *Itūgala* kokuti uku “tūsyā pala, syāla palapala pala.” Ena, iyēne—iyēne yo sindāno ukufuma ku mbūngo sya butulwanongwa.

¹²¹ Lilino, unko une nīgale ukuyoba ilisyu limolyene ili lilino, bo tukāli uswe ukubūka ku mēsa ya mugonesyo. I Lilopa nu Mbili gwa Ntwa, gufuluganikene nu lwitiko, ilyo lyo Lilopa nu Mbili, uyo yo Mbepo ni Lisyu, fitikimbuligwe nu lwitiko, fikufwāna nu Bumi Bwasyēpwa. “Umwēne uyu ikulya u Mbili Gwāngu kangi ikunwa i Lilopa Lyāngu ali nabo u Būmi Bwasyēpwa, kangi Une nisakunsyūsyāga umwēne mmwanya ku lisiku lwabumalikisyo.” Mwaketa lelo umwe. Ngimba ikyene kyo fiki? Unngonelo bwa Ntwa. I Lisyu nu Mbepo, u Būmi ubu buli mu Lilopa, i Lisyu kangi u Mbepo fikufwāna nu Būmi Bwasyēpwa, ukwisila mu lwītiko mwa Ntwa.

¹²² Apa lulipo u lwīpūto lwāngu, bo une ngukēta u bumalikisyo bukusegelēla nukukēta, ku miniti yiliyōsa, ikindikimo kyābagile ukuboneka, nukumanya ukuti uswe tukaya kubutali fiyo ukufuma ku Kwisa kwa Ntwa:

Ntwa, polelo mu Ngamu ya Ntwa Yeso, u Mwanundumiana gwa Kyala, unko une nege i Lisyu, u Lūbo, nukuyugānia Ilyēne nu lwītiko ulu une ndinalo, nukutumula injila yāngu ukukīndamo mu maka galigōsa ga misyētāno, mpaka une ngūmbōna Yeso, ukwisila mu kuyobesania kwa Lisyu Lyāke.

¹²³ Angalaga ni Lisyu Lyāke. “Linga ugwe kwitugasya mwa Une, kangi i Lisyu Lyangu mwa ugwe, polelo nsuma Une iki ugwe gwiganile kangi ikyene kisakubombeligwaga kwa ugwe.” Bumogi buki! Bulipo ubulilanisi ubwanaloliloli ni Lisyu kangi u Mbepo, nu lwitiko ukuyugāsya Ikyene palikimo, “Suma iki ugwe kulonda, kangi ikyene kisakubombeligwaga kwa ugwe.” Unko uswe twipute.

¹²⁴ Gwaipyana kangi Gwapagwīmwenē Mwikemo Tāta Kyala, unkulumba Une YONE, u El Shaddai, kwa Abraham. O Kyala, mūmo ugu u mugonesyo unkulumba gwa Ntwa gukufwāna nu Būmi Bwasyēpwa, kangi mūmo Ikyēne kikulas’isindāno ukufuma ku lwītūfyo, mūmo Ikyēne kikulas’isindāno ukufuma ku busitakwītika, mūmo Ikyēne kikulas’isindāno ukufuma ku butulwanongwa bwa kīsu! Ugwene go mugonesyo, nu lugano Lwakyala kwa Tāta gwitu Gwakumwanya. Kangi ukwisila mu

bugolofu bwa Yeso Kristi uswe tulinako ukufikila ku mēsa iyi. Kangi uswe tukusuma, Ntwa, ukuti Ugwe kutupaga aligwesa gwa uswe ukufikila kula ikilo iki, mwa Mbepo. Tuswaga uswe. Kangi uswe tukulōnda imibili gyītu gyām̄wāmbèpo ukukūla. Uswe tutikupāsya isya kwīngila ikipānga kimo pamo ikipāngakipāgūke. Uswe tukulōnda ukuyēnga umbili gwām̄wāmbèpo, ku bulasigw'isindāno bwa butulwanongwa, ku buyo kūko pala pakayapo kangi mma ikinyonywo ukubōmba ubusobi, kangi kūko u Mbepo Mwikemo abagīle ukwega i Lisyu Lyake Mwene ni milomo gyitu, nukuyoba Ikyene itolo ukuya kipya mūmo Ikyene kyāyobigwe pa lisiku lila, panongwa yakuti Ikyene yo Mbepo yulayula uyu aali mwa Ntwa Yeso. Une ngusuma, Tāta, ukuti Ugwe kutupaga ikyo kwa uswe.

¹²⁵ Isala sikwīgala. Itolo akabalilo kāko, uswe tukamanya, ukuti yula ugwabumalikisyo isakupokigwa. Loli une ngwiputa ikilo iki, Ntwa, linga balipo abo apa aba bakakumanya Ugwe ukuya Mpoki gwabo, abēne balikwāgāga Ugwe ikilo iki bo abēne bikwīsa ku mīsi ga lōsyo, ukuya kikūmbūsyo, ukulāta ku mbili nugu gwa bītiki ukuti abēne bikwītika akapāngo ukuti Yeso gwa Nazareti āpapīgwe ukufuma ku mfunde Maria, kangi āgogīgwe, ukōmelīgwa na Pontius Pilati, kangi āfyusīgwe mmwanya i lisiku lyabutatu na Kyala, kangi itugesye ku kiboko ikililo ikya Lwimiko Lwake, ikilo iki, bwīla ukuya mūmi ukutēndēka ubwīmila-pakati.

¹²⁶ Tupaga, Ntwa, ukuti umundu yulayula yula, ikupilikila ingomelesyo sya i Bāngēli, “Pinduka, aligwesa gwa umwe, kangi yaga mōsīgwe mu Ngamu ya Yeso Kristi ku busyūle bwa mbībī syīnu. Kabuno yikayapo i ngamu iyingi pāsī pa Kumwanya yipēgīgwe pakati pa bāndu kūko umwe mubagile ukupokigwa.” O Kyala, abandu balikētaga ubwanaloli-ndumbula bwa ikylene, kangi Iliisyu ilyanololi, “Yikayapo nayimo ingamu iyingi pasi pa Kumwanya yipēgīgwe pakati pa mūndu kūko umwe mubagile ukupokigwa, loli mu Ngamu ya Yeso Kristi.” Polelo, u ntumigwa alinkuti, “Pinduka, aligwesa gwa umwe nukosigwa mu Ngamu ya Yeso Kristi kubufyule bwa butulwanongwa, kangi ugwe kwisa kwambililaga ikyabupi kya Mbepo Mwikemo. Kabuno ulufingo luli ku ngulilo yiliyosa, na bu bwingi mumo Untwa Kyala gwitu isakukoolela.” Tupaga, Ntwa, ukuti kwisakuyangako ukukōlēla kwingi ikilo iki.

¹²⁷ Kangi isyene siyobigwe kāngi, nu Ntwa gwitu, “Nayumo umundu abagile ukwisa ku Myangu penepapo Tata Gwangu ikunkwaba umwene, kangi bosa aba Tata ambele Une bisakwisaga kwa Une. Ing'osi Syangu sikupilika a Masyu Gangu.” U hhesya, kangi linga nhesya ikuyoba, a masyu aga gakaya gamasimbo, mbibimbibi ing'osi yisakukyāgania ikyēne. O Kyala! Kangi linga ilylene lyo Lisyu Lyako, ili Bangeli, iki Ilyene likuyoba, ing'osi yiliyosa yisakupilika Ilyene, panongwa yakuti Ilyene lyo Kyakulya kya ng'osi. Abēne balīlanilēne.

Abēne bamēnye lo luko luki ulwa Kyākulya u Tāta ikuswīla. “Umundu atisakuya nu bumi nu nkati gwene, loli ni Lisyu lililyosa ili likufuma pa kanwa ka Kyala.” Tupaga, Ntwa, ukuti bīngi bisakukēta kangī bisakupilikisya, kangī bisakwīsa kwa Ugwe ikilo iki.

¹²⁸ Bala abasita Mbepo Mwikemo, abene balingakibikaga ikyene pa sala iyingi. Ukwene kubagile ukuya kwīlile fiyo mu sala iyingi. Abene lumo batisa kuya kuno mma.

¹²⁹ Kangi, Tāta, mūmo uswe twībūngénie ukusyūngutīla i mesa lilino ukwēga ubwimilīli ubu ubwa mbili Gwāko untumulīgwe, uswe tukusuma ukuti linga pabagile ukuyapo ubutulwanongwa nkati mmyitu, Ntwa, tuswaga uswe. Ugwe gwatile, “Akabalilo kako umwe mukwisa palikimo, gūlila yumo kuli unnine.” Kyala, linga bulipo ubutulwanongwa mu kilundilo iki, paliposa, Une ngusuma ukuti i Lilopa Iya Yeso Kristi likupāgulia u nnyāmbāla yula ukufuma ku butulwanongwa bwāke, pamo unkīkūlu yula, ndumiana pamo ndindwana. Kangi, Tāta, une ngwīputīla nīmwēne, ukuti Ugwe kwīsa kupāgulia une ukufuma ku kwīlāmwa kulikōsa, ubutulwanongwa bulibōsa, ukusitakwitika bulibōsa, kalikosa aka . . . Uswe tumenye ukuti ubusitalwitiko bo butulwanongwa. Ubwene bo butulwanongwa bwene ubu buliko. “Umwēne uyu ikwītika mma yo atalile atobesīgwe.” Kangi ubutulwanōngwa bwēne ubu buliko, ko kusita kwītika i Lisyu Iya Kyala. Kangi, Tāta, linga kulipo ukusitakwitika mwa une, hobokela une, O Kyala, ubu bo buliko bwīngi, kangi une ngusuma ukuti Ugwe kunhobokelaga une. Hobokela ikilundilo kyangu iki Ugwe umbele une ikilo iki, nukubalyesya abene pa Lisyu. Tupaga ikyene.

¹³⁰ Kangi bo uswe tukwēga ifi ifinīni ifikūmbusyo fya mbili umbongotolīgwe gwa Umwēne Yūyo asyusīgwe ukufuma ku bafwe kangī mūmi kwa bwilanabwila pakati pitu, tuli ambulilaga uswe ubulilansi ukufuma ku Mwene, Ntwa, ukulīlanila kwa Mbepo Mwikemo. Tupaga ikyene, Tata. Uswe tukusuma mu Ngamu ya Yeso. Amenī.

¹³¹ Lilino, kwa umwe mukufimbilisigwa ukubūka kangī mukabagīla ukusyāla kuli ububōmbēlo bwa mugonesyo gwa maminiti-kalongo-na-mahano . . . Bakayapo bīngi ba uswe, kangī uswe tukwegaga u mugonesyo. Ugwēne gukaya mugonesyo umwīgalilano. Ugwēne go lōsa kuli aligwēsa u mwītiki Gwakikristi. Kyala akaya nu nkolofwa pakati pa Baptisti na Methodisti, na fyosa bo ifyo. Uswe twesa, nu Mbepo yumoywene, bōsigwe mu Mbili gumogwene, kangī uswe twe bandu binītu ba Kitangalala kya Kyala. Kangi linga alipo yumo pakati pa uswe uyu nhesya, une ngaya apa fiyo mma, kangī ngamanya uyu yo mwenekaya kangī uyu akaya mma. Kumbukilaga, kali kyo kipanganki iki ugwe kubukako, ikyo kikaya nakyō nakimo ikyakubombapo ni kyene. Kilipo

i Kipanga kimokyene, mulimosa, kangi ugwe utikwingila mu Kyene, ugwe kupapigwa mu Kyene. Uko ko kutalusya. Kangi ugwe upāpígwe mu Kipanga iki kya Kyala. Kangi uswe tukusuma ukuti ugwe kwisa kwambibilaga Kristi ikilo iki, ukuyobesania nu Mwene bo uswe tukukumbukila u mbili Gwake umbongotoke, kangi utumbakasya utu utunini tūto uswe tukwēga, utwa pāsa, kangi Kyala alinyāfīlāga indumbula syītu na mabyēbye ni Lilopa.

¹³² Lilino abēne bisakutwālāga umugonesyo, kangi uswe twisakubala lilino ukufuma ku Bakorinti Bakwanda, untu gwa 12. Kangi uswe tukwegaga u mugonesyo mbibimbibi ukufuma pa iki, kangi uswe tukusūbīla ukuti Kyala isakukusaya ugwe mbwingi. Polelo akabalilo kako uswe tukubala iki, pamo itolo bo tukāli uswe ukubala ikyene, linga ugwe kufimbilisígwa ukubūka, ena, ugwe ubagīle ukusōka mbupepe. Kangi polelo yaga na uswe kangi ikilo kya Kitatu, kangi ulubunju lwa Ndungu kangi pa Ndungu nkilo. Linga ugwe ubagīle ukusyāla ukulya mugonelo na uswe, uswe twisakuya basangalufu fiyo kuli ugwe ukubōmba ikyēne. Polelo mbibimbibi ukufuma apo, kwisakuyaga u Ntwa...kwisakuyaga ububōmbēlo bwa lōsyo, ulu lwisakuyaga mu kifuki maminiti kalongo-na-mahano, pamo malongo mabili ku bwīngi ukusitakukīnda, une ngusakikisya. Bakorinti Bakwanda, untu gwa 11, ilinandi lya 23.

... Une nāmbilile ifya Ntwa ifi une nīne ngutwāla kwa umwe, Ukuti u Ntwa Yeso ikilo kilakila...iki umwene āpēfyīgwe ālyēgile u nkati:

Kangi akabalilo kāko umwēne ābōmbile āpèle imbālisyo, umwēne alikubongotola ugwēne... alinkuti, Ega, kangi ilya: ugu go mbili gwāngu, ugu go gubongotolīgwe kuli umwe: iki bōmba mu lukūmbusyo lwa une.

Kangi ukufuma nkabōmbelo kalakala kāngi umwēne alinkwēga ikikopo, kangi akabalilo kāko umwēne ālīle, ikuyoba, Iki kyo kikopo kya lwitikano ulupya mu lilopa lyangu: iki bōmba umwe, kingikingi mumo umwe mukunwa ikyene, m'bukumbukilo bwa une.

Kabuno bo kingikingi mumo ugwe kulya unkati ugu, nukunwa ikikopo iki, ugwe nalōli kunāngisya panja u bufwe bwa Ntwa mpaka umwene ikwisa.

Fyōbēne aligwesa uyu atisa kulya iki...aligwesa uyu ikulyaga u nkati ugu, nukunwa ikikopo iki ikya Ntwa, mbusitakufikapo, isakuya ntobesígwe gwa mbili ni lilopa lya Ntwa.

Lōli unko u mūndu ikētēsye mwēne, kangi popāpo unko umwēne alye ifya u nkati, kangi ukunwa ifya i kikopo.

Namanga umwēne uyu ikulya nu kunwa kisitakufikapo, ikulya kangu ikunwa ikigune ku mwēne, kisita kukumanyila-ngāni u mbili gwa Ntwa.

Fyōbène pa nōngwa iyi bīngi bo babine kangu bōnywa pakati pa umwe, . . . bīngi bakugona.

Kabuno linga uswe tubagile ukwīlonga twibene, uswe tukabagila ukulongigwa.

Lōli akabalilo kāko uswe tulōngigwe, uswe tukufūndigwa nu Ntwa, ukuti uswe tulingalōngigwāga ni kisu.

Fyōbène, bakundwe bāngu, akabalilo kāko umwe mukwīsa palikimo ukulya, gūlilānaga yumo kuli u nnīne.

¹³³ Lilino, akabalilo kanandi itolo aka lwiputo kwa aligwesa gwa uswe, nyīputīla une akabalilo kāko une ngwīputīla umwe. [Nkundwe Branham ikwīputa nubutofu—Nsimbi.] . . . ? . . .

Paga isūme isi, Mwenemaka Kyala. Swaga uswe isya ngilanio syītu bo uswe tukuswa bala bābo bikutōnangila uswe. Iki uswe tukusuma mu Ngamu ya Yeso Kristi. Amen.

¹³⁴ Utōmbo utunīni utu utu to nkati gwa koshala tutēndekigwe ukufuma ku nyēmba, na fyōsa bo ifyo, iki kikwīmilīla u mbili gwa Ntwa. Ugwēne gukaya gwākusyūngutīla mma, ugwēne gubongotoligwe ntupatu tōsa. Ikyēne kyo panongwa yakuti ikyēne kikusanusya umbili Gwāke umbongotoligwe ugu gwābongotoligwe kuli uswe. Kangi Kyala alipaga isayo Syake kwa aligwesa uyu ikulya ikyene. Lilino, ugwēne gukaya mbili mma, ugwēne gukwīmilīla u mbili. Une ngaya na maka, nakimo ikingi kikubōmba, ukutēndēka ikyēne ukuya kalikōsa lōli unkati. Kyala mwēne. Kangi ikyo kyo iki Umwēne ātubūlīle uswe, ukulya unkati ugu nukunwa ikikopo iki ikya bwālwa. Lilino unko uswe twinamisye imitu gytu.

¹³⁵ Unkīnde Mwīkemo Kyala, Yūyo ababōmbi yo uswe, mu Ngamu ya Yeso Kristi, kēmēsya unkati ugu kuli ububōmbelo bwāke ubulōndigwe, ukutupela uswe, mumo uswe tukwambilila ikyene, kumbukilaga ukuti Untwa gwitu akomeleligwe; kangu umbili Gwāke, umpala kangu umwīkemo bo mūmo ugwēne gwāli, gwālyōnganikēne ni fulale ni mīfya ni misumali, kuli uswe, ukuti ukwīsila mu mbili Gwāke undāsuligwe mwāsōkilēmo pānja u Mbepo uyu ikupa uswe u Būmi Bwāsypwa. Tuli uswe, Ntwa, bo uswe tukulya iki, tuyege nu lipyāna lya pānjila, bo mūmo Israeli ābōmbile ifyīnja malongo mana ndulāngalānga, kangu kisita u mōnywa yumo pakati pa bēne. Tāta Kyala, paga iki, bo uswe tukusuma Ugwe kemesya unkati ugu, nkati gwa kosha, panongwa ya bubōmbélambombo bwāke. Mu Ngamu ya Yeso. Amen.

¹³⁶ Ikikopo kya Lwītíkáno Ulupya, i Lilopa. une ngwinogona isya lwimbo lula:

Ukufuma pala nu lwītíko une nalubwēne u
 lusōko lula
 Ifilonda Fyako ifisululuke fikupa,
 Ulugano ulutabule lwāli fundo yāngu,
 Kangi lwikuyaga mpaka une ngufwa.

¹³⁷ Akabalilo kāko une ngukēta ililopa ili, imipesa, ililopa lya mipesa, Une mmenye ilyēne likwīmila i Lilopa ili lyālisile pānja ukufuma mu mbili gwa Ntwa Yeso. Aligwēsa yūyo ikwāmbilila iki aliyāga nu Būmi Bwāsyèpwa, ububine bulīsōkāngamo pānja pa mibili gyābo, ngusūma ubukatale nu bōnywa, ikipahu, u mōhèsi (mu luko lōsa) alisōkangamo mu bēne, ukuti abēne babagile ukuya na maka nu bukafu ubukulumba na Būmi Bwāsyèpwa, ukuleka ubwēlu bwābo ukumulika pankyēne pa ngulilo imbībi kangi yabulogwe iyi uswe tukwītūgalāmo, ukuntūfyā Kyala.

¹³⁸ Tāta Gwakumwanya, uswe tukutwala kwa Ugwe ikipaso kya mpesa. Mu Ngamu ya Yeso Kristi, kēmesya icyēne, ukwīmilila i Lilopa lya Mwanundumiana Gwāko, Yeso, mu Lyēne uswe tuli na, “Afulasigwe panongwa ya ngilanio syitu, ni fulale Syake uswe twagāngwike.” Tupaga, Ntwa, ukuti u Bumi bwisakwisaga kwa uswe, u Bumi bwa Syepwa mu bwisusye ubukulumba, ukuti uswe tubagile ukumbombela Ugwe kanunupo, ukuya na maka nu bukafu ukutupīmba uswe ukufuma pa buyo ukubuka ku buyo kūko uswe tukugūlila Ugwe, kulikosa Ugwe kutukōléla uswe. Tupaga isayo isi, mu Ngamu ya Yeso, uswe tukusuma. Ameni.



62-0204 Mugonèsyo
Kitembe Kya Branham
Jeffersonville, Indiana U.S.A.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org